



सानसेयारि 'बड'सा' खीरालाइयाव  
अमाज्यादि जिउजो लोब्बा थावाय रायथाय, खन्थाय,  
अल', अल'बाथा आरो हावबायादि थावनि, पार्क  
बाइदिनि सायाव लिन्हाय लिन्हाबाँ दैथाय ठर/  
सानसेयारि 'बड'सा' खीरालाइया अवेखानावै  
फोसावगोन।  
बड'सायाव लिन्हायनि हुवा खालाम,  
'बड'सा' खी नौथा, जो बयबो आंगो खालाम।

सानसेयारि बड'सा मावखुलि  
माइब नोगोर, जोहोलाव देमालु लामा  
कक्राझार, बिटिसि-783370  
Website: www.bodosanewspaper.com

BODOSA ★ A Bodo News Daily ★ Monday ★ 11 December, 2023 Kokrajhar, BTC, Assam ★ Vol.- 33, Issue No. 255 ★ R.N.I.Regd.No.40994/91, Assam Govt.Regd.No.IPRD.40/2006/3, ★ Rs.8/-

दर-उदालगुरि लकसभा  
बियाबनि बिजाथिनि  
बादायलायनायाव दिलिप  
शङ्किया आरो रमेन डेका

कलाइगाव, 10 डिसेम्बर: फैगो  
2024 माइथायनि लकसभा  
बिसायख'थिनि थाखाय  
राजखान्थि दोलोफोरनि साखा-  
फारा खालामनाया जागायजेन्दो।  
मख'नो गोनादि, बे  
बिसायख'थिनि बिजाथि  
बादायलायनायाव आथिखालिनि  
एमपि दिलिप शङ्किया आरो  
बारा' एमपि रमेन डेकानि मुडा  
सावराय जादो। बिसोर सानेनि  
अनगायबो सासे गोदान  
दैदेनगिरिआबो बिजाथिनि थाखाय  
सिगांगोन होनाने मिबथिनो  
मोनाय जादो। मख'नो गोनादि,  
बिसोर सानेनि गेजेराव हाइकमानड  
(□ 5 बिलाइआव)

## आसाम सोमावसारनायाव जिउ बाउसोमनाय अमर मुंखलंफोरखौ मान बाउदो

आथिखालिनि सरकारआ हारिनि रैखाथिनि अनगायै जायखि-  
जाया राहाखौ जोबथा होन्ना सान्ना लाया: ड० हिमन्त बिश्व शर्मा

“मुंखलंफोरा जौनि हारिनि थाखाय बाउसोमनाय, साहज, गिनो रेड आरो गोहो बोलोनि मोजां बिदिथि जाना थागोन”

दिसपुर, 10 डिसेम्बर: आसामनि  
गिबि मन्थि ड० हिमन्त बिश्व  
शर्माआ दिने गुवाहाटीनि सोना  
बरागावयाव थानाय मुंखलं  
गोसोखाथि जायगायाव खुनाय  
मुंखलं साननि हाबाफारियाव  
बाहागो लानाने आसाम  
सोमावसारनायाव जिउ बाउनाय  
थेनो रेडे(अमर)मुंखलंफोरनिमिम  
गोसो गोबोर्जो मान बाउदो।  
हाबाफारियाव गावनि बिबुथियाव



(□ 5 बिलाइआव)

## मुसलपुरआव बर' दैदेनगिरि जखन-2023 खुदो

बिटिसिनि 40 समरटीनिफ्राय बिटिआरयाव 60 समरटी जाहैगोना  
सिक्स सिडिउलडनि गोहो बारायनायखौसो फोरमायो: दिपेन बर'

बाक्सा, 10 डिसेम्बर: बाक्सा  
जिल्ला दुलाराय बर' फरायसा  
आफादिनि बान्जायनायाव महकुमा  
थाखोआव खुनाय 'बर' दैदेनगिरि  
जखन-2023' खौ मुसलपुर  
महकुमानि सिडाव थानाय  
मुसलपुर फरायसालिमायाव खुनाय  
जायो। बाक्सा जिल्ला एबसुनि  
आफादिगिरि उमेस दैमारिया मासि  
लानाने दैदेननाय “बिटिआर आरो  
बिकेडब्लिउएसि गाव खुंथायनि  
गेजेरजो बर' माहारिखौ मोनसे  
गोखो हारि महरै दानाय”  
आयदाखौ लानाने खुनाय सावराय  
मेलखौ बेखेवनाने होयो मिर  
एबसुनि लोगो आफादिगिरि



खोरोमदाव औवारीया आरो मेलाव  
गाहाइ बुंथिगिरि महरै बाहागो लोयो  
दुलाराय बर' फरायसा आफादिनि  
मानाव गेदेत आफादिगिरि दिपेन  
(□ 5 बिलाइआव)

## आलारि सोरां बिथाखिनि रांखान्थि अन्सुथाइ गथायदो बिटिआरनि लेडाइ गाहाइ खुंगिरि गबिन्द चन्द्र बसुमतारिआ



उदालगुरि, 10 डिसेम्बर: लामा-दालां,  
सोलोथाइ, गेलेमु, हारिम बायदि  
बिथिडवल' नड, बे खेबआव प्रमद बर'  
दैदेननाय बिटिआर सरकारा  
बिटिआर हालामनि गासै धोरोमारि  
बाथौ थानसालि, मन्दि, गिजां,  
नाम घर बायदिखौ फोजौखानायनि  
थाखाय (□ 5 बिलाइआव)

## दतमायाव ग्रेनेड खुबैना गाग्लोबनाय जाथाय सोमजिदो

रांखान्थियारि हेफाजाब बिनायाव हेफाजाब होयैनि  
थाखाय ग्रेनेडखौ खुबैहरनाय जादो: के. एन.

मन्थि इउ.जि. ब्रह्म आरो रबिराम नाजारी मोनहा जाथायसालियाव फैनाने नायसफैदो

कक्राझार, 10 डिसेम्बर:  
बिटिसियाव गिखानाय आरो गोजोन  
गैथे थासारिया सरसनखा जानो  
लानाय समावनो थानाय हरनि  
8:30 रिंगासोयाव कक्राझार  
जिल्लानि सिडाव थानाय  
दतमायाव मथर साइकेलजो  
फैनाय सोरबा सिनायनो मोनै



दुथांफोरा दतमा हाथायनि मुंदांखा  
फालांगिरि आरो गेलामालनि  
फालांगिरि समेन सरकारनि  
गलायाव ग्रेनेड खुबैहरदो। नाथाय  
खाफाल जोनो महरै ग्रेनेडआ  
बेरफुया जासेनो गोले हैनायाव  
गलाजो लोगोसे खामानि मावबाय  
(□ 5 बिलाइआव)

## दतमानि थुलुंगाफुरियाव लुफुंथाय फोजौखानायनि अन्थाइ खाम्फा गायसन्दो

कक्राझार, 10 डिसेम्बर: बड'फा  
उपेन्द्र नाथ ब्रह्मनि मांखरसालि  
थुलुंगाफुरिखौ मोनसे गोदान महर  
होनायनि लुफुंथाय फोजौखानायनि  
खामानिया गोखेये जागायजेन्दो।  
बे बाथाखौ दिने दतमाआव  
नुजाथिहेनाने राइज्योनि केबिनेट  
मन्थि उखाव गोरो ब्रह्मआ खोरां  
बिजोनि सिगाडव बुडे। मख'नो  
गोनादि, 2021 माइथायाव  
बिटिसिआव वेलफेयार अफ  
बड'लेण्ड बिफान दाफुनायनि  
उनाव थुलुंगाफुरि 2'खौ  
फोजौखानायनि मोनसे थांखि  
होनाय जादोमोन। बे बायदिनो



राइज्यो सरकारनि एसअपिडि  
फान्डनिफ्राय बाजेटआव 5 कौटि  
रंखौ वेलफेयार अफ बड'लेण्ड  
बिफाननो होनाय जादोमोन।  
नाथाय वेलफेयार अफ बड'लेण्ड  
(□ 5 बिलाइआव)

बिफानआ बे रंखौ बाहायनो होयैनि  
थाखाय बे रंखौ बिटिसिनो  
गथायनाने होदोमोन। आथिखालाव  
गिबि मन्थि हिमन्त बिश्व शर्माआ  
कक्राझारआव खुनाय केबिनेट  
जथुम्मायाव बाहागो लानो फैनाने  
बड'फाखौ मान होदोमोन।  
बिथाडा थुलुंगाफुरिखौ  
फोजौखानायजो लोगोसे  
लुफुंथायनि खामानिखौ  
दावगालांहोनो थाखाय अन्थाइ  
खाम्फा गायसन्नाने 5 कौटि रंनि  
अन्सुथाय फोसावनायजो लोगोसे  
उफ्रायै 3 कौटि रंनि होनो  
(□ 5 बिलाइआव)

गसाइगावआव दुलाराइ  
बिटिसि मिस्ट्रि आरो  
लुफुंथाय मावफारिया  
आफादिनि मेल खुदो

गसाइगाव, 10 डिसेम्बर:  
कक्राझार जिल्लानि गसाइगाव सदर  
सरनि सारिआलियाव थानाय  
कमलनाथ क्लाव काम  
लाइब्रेरिआव दिने दुलाराइ बिटिसि  
मिस्ट्रि आरो लुफुंथाय मावफारिया  
आफादिनि गसाइगाव महकुमा  
आफादिनि सरसनखा मेल खुनाय  
जायो। गसाइगाव महकुमा मिस्ट्रि  
आरो लुफुंथाय मावफारिया  
आफादिनि आफादिगिरि सुजन  
सुत्रधरनि आफादिगिरि मासि  
सामब्लायनायाव खुनाय सरसनखा  
(□ 5 बिलाइआव)

## गवायाव खुनाय ट्राइबेल फोर्बो लकत्सभ-2023 फोर्बोआव गाहाइ आलारि महरै बाहागो लादो आसाम आइन आफादिनि बुंथिगिरि बिस्वजित दैमारिआ

गुवाहाटी/गवा, 10 डिसेम्बर:  
आसाम आइन आफादिनि  
बुंथिगिरि बिस्वजित दैमारिआ  
10 डिसेम्बर, 2023 अक्टखालि  
गवा राइज्योनि केना कना,  
पइग्यनिम आदर्श गाम  
एमनआव खुंजानाय ट्राइबेल  
फोर्बो लकत्सभ हाबाफारियाव  
गाहाइ आलारि महरै बाहागो  
लाहैदो। बे ट्राइबेल फोर्बोआ दिने  
गवानि बुंथिगिरि रमेश  
तावाडकर, बिजेपि एसटि  
मसांनि आफादिगिरि आरो  
राइज्यो सभानि एमपि शमिर  
उराव, राइज्यो सभानि एमपि



चादानन्द शेट तानावाडे, गवा  
राइज्यो बिजेपिनि आफादिगिरि  
आरो गवानि एमएलए आरो  
बारा' एमएलएफोर आरो गुबुन  
गोजौ थाखोनि बिबानगिरिफोरनि  
नुजाथिनायाव आसाम आइन  
आफादिनि बुंथिगिरि बिस्वजित  
दैमारिनि आलारि बाथि  
फोजौनायजो जागायजेनो।  
आलारि बाथि फोजौनायजो  
हाबाफारिखौ बेखेवनो  
होखानायनि उनाव बुंथिगिरि  
दैमारि आरो गुबुन दैदेनगिरिफोर  
बे ट्राइबेल फोर्बो लकत्सभ  
(□ 5 बिलाइआव)

## मिलन बाजारआव इउपिपिएल दोलोनि जगदान हाबाफारि



तामुलपुर, 10 डिसेम्बर: थानाय  
समाव बिपिएफनि खुंथाय समाव  
फुटबलनि मुंदांखाखौ  
बोखांफिन्नायाव हेफाजाब होगोन  
आरो राइज्योनि दाब-दाब  
जायगायाव रंग'सार  
गेलेगिरिफोरखौ गाव-गावसिनि  
रंग'थिखौ दिन्थिफुनो हानायनि  
(□ 5 बिलाइआव)

प्रमद बर'आ। दिने तामुलपुर  
जिल्लानि मिलन बाजारआव  
इउपिपिएल दोलोनि जगदान  
हाबाफारियाव बाहागो लानाने  
बिटिसिनि गाहाइ मावफुं सोद्रोमा  
प्रमद बर'आ बे बाथाखौ बुडे।  
द्राकुसि आरो सोनाव तामुलपुर गुदि  
इउपिपिएलनि बान्जायनायाव  
आरो गयबारि ब्लक इउपिपिएलनि  
हेफाजाबाव मिर इउपिपिएल  
दोलोनि नेहाथारि मुजिज आलिनि  
दैदेननायाव खुनाय बे जगदान  
हाबाफारियाव बाहागो लानाने  
प्रमद बर'आ बुडेदि, दानिया  
बिटिआरआव गोजोन थासारि  
(□ 5 बिलाइआव)

एकल बिद्यालयनि बान्जायनायाव  
कक्राझारनि साइ स्टेडियामाव खुनाय बियाव  
थाखोनि गेलेमु बादायलायनाया जोबलांबाय



कक्राझार, 10 डिसेम्बर: फरायसुला-फरायसुलिफोरखौ गेलेनाय  
बिथिडवल थुलुंगा होनाय आरो थाखोमानाने थानाय रंगोथि गोनां गेलेगिरि  
फरायसाफोरखौ सायख'नाने बिसोरनो गेलेनायनि जायगा जगायनाने  
होनायनि थांखिजो एकल बिद्यालयनि बान्जायनायाव 8, 9 आरो 10  
डिसेम्बरखालि सानथामनि हाबाफारिजो (□ 5 बिलाइआव)

## गसाइगावआव गोदान राजखान्थि दोलो दाफुंबाय

गसाइगाव, 10 डिसेम्बर: फैगो  
लकसभा बिसायख'थिखौ लानाने  
खुंथाय आरो बेखेडा दोलोफोरि सोलो  
बाहायबाय थानाय समनि गेजेरावनो  
दिने गसाइगावआव मोनसे गोदान  
राजखान्थि दोलोया जोनोम मोन्दो।  
पब्लिक रिसेसन पार्टि ( पिआरपि)  
मुंजो गोदान ओन्सोलारि  
राजखान्थि दोलोखौ फोसावनाय  
होयो। गोदाने दाफुंनाय हान्जानि



आफादिगिरि रन्जय कु मार  
मोनसे खोरांगिरि मेलनि गेजेरजो  
आफादिगिरि रन्जय कु मार ब्रह्मआ।  
गसाइगाव प्रेस क्लाबाव  
(□ 5 बिलाइआव)

## गिबि मन्थिआ जज फिल्डआव खुनाय प्रटेक गुवाहाटी प्रिमियर फुटबल लीगखौ बेखेवजेन्दो

बे बायदि बादायलायनाया राइज्योयाव फुटबलनि  
मुंदांखाखौ बोखांफिन्नायाव हेफाजाब होगोन: गिबि मन्थि

दिसपुर, 10 डिसेम्बर: गिबि मन्थि  
ड० हिमन्त बिश्व शर्माआ  
दिनेनिफ्राय 10 जानुवारीमिम  
गुवाहाटीनि जज फिल्डआव खुंनो  
गोनां प्रटेक गुवाहाटी प्रिमियर  
फुटबल लीगखौ दिने  
बेखेवजेन्नाने होयो। फुटबल  
लीगखौ बेखेवनायनि उनाव गिबि  
मन्थिआ ड० शर्माआ बुडेदि, बे



बायदि फुटबल  
बादायलायनायफोरा राइज्योयाव  
फुटबलनि मुंदांखाखौ  
बोखांफिन्नायाव हेफाजाब होगोन  
आरो राइज्योनि दाब-दाब  
जायगायाव रंग'सार  
गेलेगिरिफोरखौ गाव-गावसिनि  
रंग'थिखौ दिन्थिफुनो हानायनि  
(□ 5 बिलाइआव)

महिना बुनबारि गुदि फरायसालिनि  
हिराथि माइथाय फोर्बो फालिथाइआ  
गाजा-गोमजायै जोबलांबाय



कुमारिकाता, 10 डिसेम्बर: नलबारि जिल्लानि महिना बुनबारि गुदि  
फरायसालिनि हिराथि माइथाय फोर्बो फालिथाइआ गाजा-गोमजायै  
थानाय 9 डिसेम्बरनिफ्राय जागायनाने दिने 10 डिसेम्बरखालि जोबनाने  
थांबाय। सानेनि मेहेरगोनां हाबाफारिजो खुंफुंदोमोन महिना बुनबारि  
गुदि फरायसालिनि हिराथि माइथाय फोर्बो (□ 5 बिलाइआव)

## दुलाराय बाथौ गौथुमनि 13थि थाम बोसोरारि जथुम्मा खुनायनि गाहाइ खुन्थियाखौ गाइसनबाय

डेकियाजुलि, 10 डिसेम्बर: फैगो गोदान  
बोसोर 2024 इ माइथायनि 4, 5, 6 आरो  
7 जानुवारीयाव खुंफुंजगोन दुलाराय बाथौ  
गौथुमनि 13थि थाम बोसोरारि जथुमा।  
दुलाराय बाथौ गौथुमनि खुंगा 13थि थाम  
बोसोरारि जथुमा लोगोसे सनिनपुर जिल्ला  
दुलाराय बाथौ गौथुमनि 10थि थाम बोसोरारि  
जथुमाखौ खुनायनि थाखाय दिने गाहाइ



खुन्थिया गाइसनबाय। सनिनपुर जिल्लानि  
तेलामारा मुंखलं मनिराम-रतन-लेरेला  
कछारि गोसोखां फोथायाव खुंनो लानाय  
दुलाराय बाथौ गौथुमनि खुंगा 13थि थाम  
बोसोरारि जथुमाखौ खुनायनि थाखाय दिने  
मोनसे मेहेर गोनां हाबाफारिनि गेजेरजो  
आसामनि केबिनेट मन्थि अशक सिंहाल,  
बर' (□ 5 बिलाइआव)

सुजुगिरिनि खोलोम

खामानि हारिमु आरो थासारि

मानसिया गावनि थानानै थानायनि थाखाय सोलो- मेलेम बाहायनानै, आर्धि-आखाइ सोमावनानै अर्जिनायनि लामा लानो गोनां जायो। देहानि बोलो बाहायनायखौं लासै लासै जॉनि मानसिफोर नागारनो हमनायनि जाउनावनो जॉनि गेजेराव खामानि मावनाय-दांनयनि हारिमुवा गोमालानो हमनायखौं जॉनुनो मोन्नाय जासै। हाबा हारिमुखौं अराय सम लान्श्रियै लाखिलांनो हायैनि थाखायनो जॉनि मानसिफोर गोलैथै मोन्नो हानाय मुवा-बेसादफोरखौंनो गुबुननि सायाव लामा नायनो गोनां जानाय सम सम नुनो मोन्नाय जायो। नख र खुंनो आरो गावनि उदै सुफुंनो थाखाय मानसिफोरनो बायदिसिना रोखोमनि खामानि-दामानि मावनानै आर्धि-आखाइ सोमावनानयनि गोनांथार जायो। मानोना खामानि मावनानै देहाखौं गोखोडे लाखिलांनो हायोब्लासो जॉनि देहाया रफोद, गोखौं जानानै थागोन आरो बेराम-आजारफोराबो साबफानो हानाय नडा। सिगांनि समाव जायगायाव खामानि मोन्नो थाडेनि हान्जा-हान्जा गुबुन राइज्योफोराव खामानि नागिरहैनानै गोदाव-सोराव जानानाय खोनानो आरो फोरमायनाय नुनो मोन्नाय जायोमोन। नाथाय दानि समाव मानसिफोरनो खामानि मावनो गैथै जालिया, मावनो समनि आंखाल जानायखौंसो खोनानो आरो नुनो मोन्नाय जासै। सोरांनयनिफ्राय जागायनानै हर गेजेरसिम मानसिफोरा हाबा मावनायाव देहा-मेलेम नांथावहोनानै थानो गोनां खालामदें सोलिफु सम आरो थासारिआ। सिगांनि समाव मानसिफोरा खामानि मावनानै मॅनाय देहा-मेलेमखौं दान्दिसे जिरायनानै गोजेन्नायनि सम दिहुन्नो हालिया जाबाय। गोखौं बादायलायनाय दानि सम आरो सोलायस्तुं थासारिजॉं समानै आगान सुफालानो मानसिफोरखौं खामानि मावनायाव नांथावनानै सोलिंनो फोरेंनायनो खामानि हारिमु फोथानानै लाखिनायनि थार आरो गोथो लामा।

मोनसे समाव बायदिसिना जाहोननि थाखाय खामानि गैथै नुजानायाबो मानसिफोरखौं खामानि हारिमुनि फारसै एसेथैब्लाबो मावनो बानाय थासारिआव खोख्खेनायखौं नुनो मोन्नाय जादोंमोन। जायखि-जाया हाबायानो साफ्रोमबो सुबुंफोर आजावनो एवा मावनो हाथाव जायाबो जानो हागौ। नाथाय बिब्दि होन्नानै खामानिनि थाखो सायख न'नाय लायोब्ला, खामानिनि जॅनाया जॅनायैनो थालानायनिसो लामा मोनगोन। सायख न'नाय गैथै खामानि मावनो हायोब्लासो खामानिनि आंखाल फैनाय नडा आरो मावनानयनि हारिमुआ सोलिलांनय थागोन आरो देहा-मेलेम गोगो-थाजिम लाखिनायावबो मदद मोन्नो हागोन।

थानानै थानायनि हाबा मावनायाव मानसिफोरा खामानि-दामानिनि थाखोखौं लानानै बानाय, लाजिनाय गोसोआव लायैआनो गाहाम। जॉं बेखौबो नोजोर होनांगोन-गुबुन बाइजोनिफ्राय थपला फिसा लानानै फैनाय मानसिफोरा गोलै गोलै मेगननि नोजोराव गोग्लैथै जॉं मावनो बानाय, लाजिनाय हाबाखौं मावनानै आर्धि सोमाव-सोमाव थानाय नुनो मोन्नाय जायो। नाजानाय, लाजिनाय आरो बानायखौं नागारनानै सोलियोब्ला सानसे नडा सानसे जॉं जाफुंसारखौं मोनफुं हैनो हागौ।

दिनैनि फान्जामुधि

राशि बाइदियै मुंनि गिबि हांखो

Table with 3 columns: राशि (Rashi), मेष (Mेष), कर्कट (Kर्कट), तुला (तुला), मकर (मकर)

- मेष: देहायाव सरसनस्त्रा दुखुफोर मोन्नो हागौ। सांघां जानानै थानांगोन।
बृष: मानिबा थाखाय जिंगा सिनांनो हागौ। गोसो ह्यथानानै सोलिनांगोन।
मिथुन: जेखि मावा बेफार फालांगिआव रंखावरनि मुलाम्फा मोन्नो हागोन। मोजां सान।
कर्कट: रावजोंबो जॅना गैथै शान्तिथै थानो हागोन। फारफ्रोमबो मोजां।
सिंह: जेखियानो फालांगि मावा मुलाम्फा मोनगोन। गोजोने सम बारहोनो हागोन।
कन्या: जेखि जाया बेरामआव गोग्लैबायनो हागौ। देहा-सावसिखौं सांघाडे लाखि।
तुला: सोस्वा मोजां सुबुंजों लोगो जालायनानै थानो हागोन। गोजेन्नाय मोनगोन।
बृश्चिक: जेखि जाया खामानियावनो हेँथा एबा अजद देखँजानो हागौ। गोसोखौं लोरवां लानो नाड।
धनु: गोसोआ जेरावबो धैय्य गैथै जालानो हागौ। सान्नाय खामानिफ्रा फेलें थानो हागौ।
मकर: मोजां रेंगथिनि थाखाय सन्मान मोन्नो हागौ। गोजोन मोन्नो हागोन।
कुम्भ: जे खामानिखौं मावगासिनो बेवहाय मुलाम्फा मोन्नो हागोन। मोजां सम।
मीन: जॅना-जॅसि थानायफोरा जोबसालांगोन। गोसोखौं शान्ति मोनगोन। मोजां सान।

शिबसागर, 10 डिसेम्बर: होबथाजानाय उतखारि हान्जा इउनाइटेड लिबारेसन अफ आसाम- इन्डिपेन्डेन्ट (आल्फा-आइ) आ आसामनि डिजिपि जि.पि सिंनो सांघ्रांथि होनाय राइज्योआव आरोबाव गाग्लोबनो हुमखि होदें। उतखारि हान्जाया गोखौं सोदोबजों प्रेस फोसावदिंआव तिनसुकियानि डिडराक आर्मि के म्प आरो शिबसागरआव जयसागर सिआरपिएफ केम्पआव खेबने



सुंद सल' वि.बरगयारी

बौरै खिन्थाबावनो आं

मोनारिबिलि सम, समआ आन्दाजआव रिन बाजिसो जाबायमोन। गोसोखोंआ बायजोआव बेरायना फैनानै ओंखाम मोन सानदि' बड'सा खौरां बिलाइ नायगासिनो दंमोन। फुंआव माखासे गोनां गोनां खौरांखौं नायखानाय खाय बिनि (गोसोखोंनि) मेगना फानजामुधि लाइजामाव थाब गोलैदें। गोसोखोंनि मुड सिगांं आखरआ 'ग' जनायखाय रसिया कुम्भ। बेयाव लिरनाय दं ओरै:- "सप्तानि गेजेराव रंखावरि मोन्नायनि जग दं। मोजां मोनलायनायाव सानैनि गेजेराव गोरौब लायगोन खुसि फैगोन। सप्तानि जोबनायाव दावबायगोन"। फानजामुधिखौं नायखानानै गोसोजों गोसो सानबाय गोसोखोंआ आतसा दैमुआथ' आंखौं बावगार लांखाबाय बिदब्ला फानजामुधिया जामारोना जामारा फालाय ना बौरैबाफोरसो मोजां मोनफिनबाय नामा। नाथाय नडा दैमुआ आंखौं मालाबाबो मोजांमोना। मालाय मेलेटारि हौवाजों बार स्लायबाय, बेयो माबोरै जानो हानो। मालाबोन गोसोखोंआ सानायनि लैथोआव गोजावलांनय, जेब्ला बिमाया मोदोमाव नारफैयो; अब्लासो गुरलुव बागदावो गोसोखोंआ। एफासैनो खर'खौं फिदिनानै घडिखौं नायहरबाय सभा मालाबानो 8.20 बाजिबाय। ओंखाम जानोसै फेद नोमफायाबो बबव सुनीहेदें दाबोनो फैनाखे होन्नानै बिमाया लैहेबाय गोसोखोंखौं। बिमाया गोसोखोंखौं गोसोजों गोसो अनोब्लाबो मालाइबायदि आफा होन्नानै गाबजिया। मुंखोनो खारियो। बेनिफ्राय गोसोखोंआ ओंखाम जानो सिलहायाव जहेबाय। थाकथिक बिफायाबो ग्रोवसोंफैबाय। गोसोखोंमोनहा ओंखामखौं सिलहायावनो जायो। मानसियाबो एसेल' गाव (गोसोखों) बिब'दंमोन हाबा जाहेबाय बिनावाव माया, बिमा बिफा, दाहोना सानै आरो रुवाथि सासे। गासै दा रिन जोन। ओंखाम लाबोबाय हैदिन खालि ओंखैआबो गैया खालि जोगोनाथल'। दिलिपआ (गोसोखों बिफा) बिसि आसागिखौं (गोसोखों बिमा) हेबनाय रावजों बुंहरदें, दिलिप माहाजोनआ बे बायदि ओंखैजों ओंखाम जाया, दाबो एसेनो मिथिरोडा बबव बुंरै थारखो जादो, दखानाव रावबो खरज खालामनो थाडखै। दिलिपआ गोसोखों थाब्ला दावरौआ एसे खम। दिलिप होमबाथारा देलायमि गामिनि मानसिफ्रा मानियो। अथसो गोसोखों बिफा दिलिपआ गामिनि गावबुरा, गामिनि दावराव दावमिखौं फोजोबग्रा अब्लाबो गावनो मानसिफोरजों नालायनायनि अन्जिमा गैया आरो जौ फैनायनि अन्जिमा गैया। दिलिपआ ओंखाम जानायाव खर'आव निसा लानानै बुंगसिनो दुगा-दुगानो, आं खथ' गामिनि मानसिफोरखौं जौ लॉनाय नलाय खमलाय फोरखौं बाद होयो आरो सेंघा सिख्लाफोरखौं नुजायो। अब्ला गोसोखोंआ बुंहरदें बिफाखौं गुरै रावजों- नंगो आफा बेफोर बायदि गात्रि आखुफोरखौं फोसाब नांगो, नाथाय आफा मालाइनि मोखोंखौं हुगारनायनि सिगांं गावनि आखायखौंनो साफायै सिगांं सुप्रोनानै लानांगौ। अब्ला दिलिपआ फिसाखानि थिं मिलो नाहरनानै गंफिनदें आरो दिलिपनि खुगानि खोथा माखाफ्रा लासै लासै गोमालांदें। बेफोर बायदि अखनबा खोथाजों खोथा थरक आरो अखनबा राइज्लायाय बायदिसिनाजों ओंखाम जानाया एसे गोबावसिन जासिनदें। बेनिफ्राय गावबा गावनि खथायाव गय जाखानानै हाबहेलायबाय। अखानायै, हैदिन खालि रबिबानर समा नै बाजिसो जाबायमोनदं अरुपा बिखुनजो आसागिनाव हाबहेदें यैबासेनो बर'बाजाराव सि डि लांथावथाव। बिखुनजोखौं नुस्लाब मोना अरुपआ मिनिस्तु जानानै सोंहरदें गोसोखों बैनाय गैया आरो मायायालाय? गैया गोसोखों बिजिनियाव कमपिउटार सोलांहेदें आरो मायाया लोगोफोरनाव बेरायहेदें होन्नानै आसागियाबो मिनिस्तु जानानै फिनदें दसे सम जिराय खानायनि उनावबो अरुपआ थाबथांनंगौ बुरैफोर होन्नानै बुडसै। अब्ला बिखुनजोआबो सोडे दानो मानो इसि हाखु दाखु जावै? माबा बुरैफोर बर'बाजाराव सि डि लांफाथाव थावसो हाबफेदें आं होन्नानै अरुपआ फिनो। हा बबाव देखायनो जावै सोडे आसागिया। बे मालिफारायावनो (जों गामियावनो)। हा फिलिम आलाय माथोनं जावै? सोंबावो आसागिया। फिलिमआ-"बौरै खिन्थाबावनो आं"। फिलिमनि मुंखौं खिन्थानानै अरुपआ थाब सिखारो आरो बुंबावो थानोसै बुरैफोर दा मोनाहेगोन आंहाबो राइजोन खामानि लानानै फैनाय गात्रि मोनलायगोन होन्नानै अरुपआ बिखुनजोखौं खुलुमनानै ओंखार लाडे। आसागिया देथांदो जावै होन्नानैल' गल' नाहरो आरो गोसोजों गोसो सानबायल' "बौरै खिन्थाबावनो आं"! हा मा खिन्था जालायि फिलिमसि बिलाय। खिबाजानि बे हिन्जावफोर नायजायै होन्नाय बि.एफ. ना माथेफ होन्नायासो खोमारो। नडाबा मानोथो खिन्था जालाय। बायदिसिना सानानै आसागिआ सियाराव जबाय थायो। साना सोनाब रुबैयाव दोबैबाय, सान्दुआ गुरै दुड सुआ जाबाय। जेन, आसागि खामानि मावनायखौं नुनानै साना अनखांदें फुंनिफ्रायनो खामानि मावनाय। फिसाय दिलिपआथ' नंजां बाजां गामिनि खामानि मावबायवानानै जौ लॉंबायबायनानै नोसमखौं हगार हरो। नाथाय आसागिआ मालाय बायदि माहाजोन न'खरनि बिसि होन्नानै दुगो, बाहादुरि देखबाय। गावनो रुवाथिखौं लोगोसे मावफाबाय थायो आरो मावथिबो मावथि आसागिआ नांगेल मथिल' दानो थाखि। खिबाजानि दानो हामनायमोनब्लाथ' हालौगौमोनआनो। बे बायदि हिन्जावआ दा समाजाव आखायनि हांखोआव सानजोबनो हानाय। रुवाथिआलाय मा मावयो खालि

सानावल'सो, बिहा (आसागिया) मोनायावबो रुवाथि सावरि जाहेदें आसागिया ओंखाम संगसिनो दं इंसिआव। आयै, आयै होन्नानै गाबजि हरो मायाआ रावखोबो सिलहायाव नुहरैखाय सिलहा गाफैगोन मोना लोगोफोरजों बहाबा बेरायनानै फैनानै। मा ओंखाम संदें आं होन्नानै सेंहरदें बिमाया इंसिनिफ्रायनो। दसे उनाव आसागिया फिसाजोनो खिन्थाफैयो माया नोंगुमै फैदोंमोन। गुमै फैदों! बहाथो? गोमोनाय फावजों सोडे मायाया बिमानाव। थंबाय सि डि लांफैदोंनो बर' बाजाराव आरो नै माया नों गुमैआ आं फिलिमनि मुंखौं सोंबाय बेखोंनो खिन्थालालायखिसै। माबा ओरैसो बुंबाय-" बौरै खिन्थाबावनो आं"। मायाया बिमाखौं खे खे मिनियानै बुंबाय जाम्बि जाम्बि फिलिमनि मुंआनो बिनो मालाइ, होमब्लासो आसागिआ गावबो खे खे मिनियो आसागिया हे ओंखामा खामसिगोन होन्नानै इंसिआव थ्रोव हाबहैयो मायायाबो गावनि खथायाव थ्रोव हाबहैयो। गोसोखोंआ दिने कमपिउटार क्लासनिफ्राय एसे लेट सौफेदें नआव। गुबुन दिनाव ब्रै बाजियावनो सौफैयोमोन दिने 5.30 नि एसे बारबाय। गैया थाखा फैसानि सिन्था, फरायनायवबो गात्रिद्राय नडमोन। गोसोखोंआ दा कमपिउटार सोलोडे हय, नाथाय गोसो सिडावदि मानि थाल्ला गोसोखोंआ गावसो मिथिसिगौ। फिफायथ' बबाव जाडे, बबाव मा'खालामो जेबो खबरखीनो लाया। बिमायाबोथ' जामबिदब मिथिखाया। गोसोखोंआ रावजोंबो राइज्लाया माया न'सिडाव थ्रोव हाबसोनानै सानबायल' थारै गावनि जाथायखौं लानानै ओरै:- आतसा सिख्लाफोरनि गोसोआ मा गोसोफालाय गावनो गोसो थोयो होन्नानै खेबसे नडा खेबने नडा लाइजाम हयोलायबाय नै दानो ज्राव, जेन'बा गथ फोर फुजायाव बेलुन लानो लुगैनायसो। गोसो थोयोनालाय थोयो आंहा बेखौंनो गोसो मोदोम जीउ हेसोनानै थोबाय, दा मा खालामाबानो! ना

प्रेनेड गाग्लोबनायफोरखौं दाबि दैखांदें आरो जिपि सिंनो आसाम पुलिसखौं गावनि बिमा-बिफानिफ्राय मोननाय सम्पति महरै बाहायैनि सांघ्रांथि होदें। बियो बुंबावदें हान्जानि फारसेनिफ्राय आसाम पुलिसनि फारसे जेबो सुधुर एवा गात्रि हर्मदाथि गैया मानोना बेनि मावसुमाफोरा बे राइज्योनि फिसाज्ला, आल्फा-आइआ जिपि सिंनो सांघ्रांथि होदेंदि, बियो आसाम पुलिसनि सायाव गावनि सम्पति महरै दाबि दारखनो मोना आरो गावनि अखा आखुखौं नागारनांगो, नडाब्ला हानजाया बे रेखोमनि प्रेनेड गाग्लोबनायखौं बांसिन खालामनो हुमखि होदें। नाथाय आसाम पुलिसखौं गावनि बिमा-बिफनि सम्पति मानिनानै जिपि सिंनि गेजेरजों दिन्थिनाय अखा आखुआ आसाम पुलिसआव खामानि मावनाय बिबानगिरिफोर एवा सोद्रोमाफोरनि गावआरि सन्मानखौं दुबु मोनहोदें आरो बिनि अखा आखु दिन्थिनायखौं गनायजाथव नडा।

फराय नायावनो जायो। ना हिन्जावखीनो मोनथारो। बाराबा.....। मानसिनि गोसोआ बिदि जानाखलै गोसो सिडावनो रागाजों बडे गोसोखोंआ। नंमारगौगोनलै सेमोन गोजां बोथोराव अर सायनायाव आबे बुनाय बाथ्र्या। थाब गोसोखोंदें गोसोखोंआ बिबे बुनाय बाथ्र्याखौं। बिबैआ बुंदोंमोन ओरै:- "नै आबौ सिख्लाफोरनि गोसोखौं मोदायाबो हमनो हायानो!" बायदि सानै सानै ओंखामबो जायाखैसै गोसोखोंआ एदिन खालि! सानायनि लैथोआवले' गोदो हाबबाय। गोसो जों गोसो रागाबो जोंनो ओंखारबाय गोसोखोंआ- मालाइनि बिखा सानो रोडे मेलेटारि साखि मावग्रा साला सैमाफोर, सुथिआव फैबाथाय नायदो आरो बिसोनिनि एदभाउटाइज होनायखौं हाथायाव, सिनेमायाव, बैसागु फांसन फोराव ओजोंब्ला ओजोंब्ला सिगारेट सोबथिनायफोरखौं गावखौनो आं साखि मोनबाय। खानाया गुसुखाबाबो लानथा सिनखोनानै लासिनदें जाहटे आंखौं गोजाननिफ्रायनो सिनायो बियो दिपेनसआव साखि मोनबाय। बेबायदि सानानै मोथो मोथो रागा जोडे गोसोखोंआ। सिख्लाफोरखौं मालाय मा बुंनो मेलेटारि होनब्लाथाय बुंनंला आरो। बे साला खिजानाय बिअरआ आंखौं मिथिखाथारो दैमुजों मोजां मोनलायो होन्नानै। मानोना गामिनिजों गामिनि बुजियार। बिबो (दैमुआबो) गोरलै गोसो बुंनंला आरो बबाव गोसोखों-थोसोखों ज्राव। बायदि सानायजों मालादि मोदैआ उसिल्लायलांखो गोसोखोंआ गावनो मिथिला। जेन'बा खुगानें लॉनाय दैया मेगनजों बौरैबा गबल्लनानै गबोदें फुवा फुवा। गोसोखोंआ खर'खौं फिदिंब्ला नुबारा घडिआव अब्ला समा हरनि नै बाजिनानै बारबाय। नाथाय मोनायावदि उन्दुनंगौ बेखौं गोसोखोंआ गोसोआवनो फैया। सान्दोंमोन गोसोखोंआ गावनि गोथो मोजां मोनलाय नायखौं बावगार जाखानायनि उनावबो फेरमाय हरबावनो, नाथाय मेलेमा सौहायाखिसै। सान बायल' गोसोखोंआ- दैमुजों आंखौं बावगार लांबाय नंखाय मेलेटारि हौवानि थाखाय आंनि बिखाखौं साना हिस्वा। हारसिडैनो आवनायदें गोसोखोंआ- दैमु! सानासो माब्लाबा ओंखार बायनो बावनो हागौ खोमा नाथाय नै बे गोसोखोंआ नोंखौं बावनाय नडा अरायनि थाखाय। मोदै आ र'र' गबयो गाबहोलां गुंग्राय सुरुबखो होलां जाबाय थायो गोसोखोंआ। सासे दावगाफुनाय संघ्राया दि सासे सिखलानि थाखाय अराय खोमसिनि गेजेराव। जानो हागौ बेखायनो बुंदोंमोन राजा इराग दाउआ "सिख्लाफोर महरनि हायना सारफवानानै मानसिखौं खालामो बोरमा गोसोखोंआ सियारावनो दो उन्दुलांनय।

सुंद सल' मिस रंजालि बसुमतारि

खाफालनि लिरनाय

सिन्दुरा सुदो आइ.....नॅहा दिनेनिफ्राय गोजा फोथा गैला खाफालाव रिमिनि बिमाया रिमिखौं बुंदों.... मा? मानि थाखाय आयै, आंनि खाफालाव गोजा सिन्दुर दं, नों मानो सुनो थिनखो नानि बिफाया आंखौं रायगोन आयै आंखौं बुंगोन मानोना बे सिन्दुरा नानि बिफानि आखायनिसो बेजोंनो समायो, बेजोंनो सिबियो नानि बिफाखौं आं, नों मिथिया आयै बियो फैगोन जानुवारीयाव। रिदि जागोन सिबिनो गसायबो दड आयै, नों बिदि दाबुं.... रिमि बिमाया रिमिखौं सोबादें, आरो फिसाजोनि फागिल जानायखौं नुनानै गोबां बिखा गावरिलदें। मा खालामाबानो सान्दें जायनि थाखाय रिमिखौं गुबुननि न'खराव इन्जिनियारनो बिलायहरनो नागिरखादोंमोन। दा बेनि खिथेर नदें फिसाजोखौं बायदिसिना। मानो? मानि थाखाय। सिन्दुर खोमोरनो थिनखो रिमि बिमाया रिमिखौं इसे खोमासं लांदिनि फै. नंगो थारैनो रिमिया फागिल जामारदें, सान्दें बियो थारैनो बि सुन्दुरा मानो हांगारजाखो। रिमि आरो अजयजों गोथार मोजां मोनलायनानै लानाया बै बोसोराव आगान होबाय अजया दा सि.आर.पि. बियो दा कर्णाटकआव दं। दुं-दुं हाव' हाव' गुबुन जायगा। अजय आरो रिमिनिजों दाइन थाखोनिफ्रायनो मोजां मोनलायनानै जिने थाखोसिम मोजां मोनलायबोदें, बेनि उनाव। जुलि जादें, माबादि मोजां मोनलायनानै जुलि जादें गावसोरसो मिथिसियै। रिमिनि नख'रा मोजांदाय नडा। बै समनि हाल' मववानै जायो, सुखु गोजोन नख'र। रिमियानो बयनिफ्रायबो खोंजोबथा फिसाजो। बिदा साथाम दं, हिन्जाव लाजोब्याय, बिब' सानै हाबा जाबाय जोबथारनायाव रिमिखौं गाहाम नख'राव हरनो होन्नानै सासे इन्जिनियारनो नायलाय होदें, जाबाय मोनबो गारिसबो खामानियानो मानोना रिमिया जोबोर नायनोबो मोजांखा, आखलावबो गियानावबो बुंनानै फोजोबनो हाया रिमिनि आखल आरो महरखों बिबाजै

साथामनि मोजां आखलखौं सोलोनानै लाखा जोबदें, बिबाजैफ्राबो बेखौं इनायनो अनसो गारो मुंखोंनो गाबजिया नानिल' होनो। फारसैथि अजयनि नख'रा जोबोर मोजां जेबो आंखाल गैयाखीनो बुंजायो बिमाया एल.पि. स्कुलनि गाहाय फोरोंगिरिमोन। दा आजिरा मोनबाय, बिदा आरो फंबाय सानै आरो बिनानाव सासेल'। गोरिब नख'रनि फिसा लोगोसे हाल मावनानै जाग्रानि फिसा होन्नानै रिमिखौं बिमा बिफाया होनो बादोंमोन अजयनो नाथाय, अजय आरो रिमिनि मोजां मोनलायनाया बारानिफ्राय बारासो जालांनो हमदें रिमियाबो इन्जिनियारनि रादायखौं फेलें खालामहरदें, फारसैथि अजयनि न'खरा गाहाय थाखोनिखौं नांथारा, जायनि थाखायनो सावखौं अजया रुजुननानै लानांगौ जादोंमोन बिमानि....। अजया गाव जेराव थयो बेनिफ्रायनो रिमिनो लाइजाम हरबाय थायो, बेखौं मिथिनानै लोगोसे अजयनि नख'रखौं मिथिनानै रिमिनि बिबाजैफ्रा रिमिखौं जोबोरैनो बुजायदोंमोन आरो खोनासंन लानो खावलायदोंमोन। नाथाय रिमिया खोमा फिरि गार दोंमोन, उनाव बारानिफ्राय बारा मोजां मोनलायनानै अजया रिमिखौं गावनि न'आव लानानै थानेंदोंमोन आरो हाबा खालामदोंमोन। हाबायाव बिफाया इडु ननि सुखु गोजोननि थाखाय हाजासे बोर होदें नाथाय बिमाया होदें साव.... हाजासे बिमानि रावखौं लायैया दान्दिसेल सुखु नों अजय फिसा होन्नानै। बिदिनो अजय आरो रिमिनि जॉनि हाबा गाजा गोमजायै जानानै थानेंदोंमोन। जुलि जाखानायनि उनाव अजयआ साखियाव थांफिन नानेंदोंमोन। रिमियाबो हाबा जाबाय होन्नानै रावखौंबो आन्जाव, लायाजासे खामानि मावयो हाजासे बेनि मावनायखौं बिखुनजोआ

इनायनो अनखानाय फैयो आरो अनलांनोबो हंमो। बिदिनो दिना गिदिडे गिदिडे माब्लाबानो ब्रै बोसोराव आगान होफैबाय अजयनि दिउटिया बेबाराव जोबोर गरमाव गोमलेंदें, जायनि थाखाय Won जाबाय थायो, बेबाववनो अजया जिउखो खोमान लानांगौ जादें, रिमिखौं अन्नो थाखाय हाजासे हामा थादें। नाथाय थैजेनब्ला मिथियाखैमोन। रिमिया फिसायाखौं थैबाय होन्नानै नख'रनि मानसियाबो खिन्थायाखै रिमिनो जायनि थाखाय रिमिया फिसायनि गोथै सह' सौफैजसिम खाफालाव गोजा फोथाखौं लाबाय थानें। बेनि उनावसो मानि फागिलबादि जाबाय थानें। बियो थाम आरो ब्रै दानहालांगौ। गावनि फिसाखौंबो बियो लायाखै, जायनि थाखाय बियो फिसानोबो गायखेर होयाखै बेबादि थासारिखौं नुनानै दा नख'रनि मानसिया गोखेनो राहा लानानै दं। रिमिया मोजां जाफिनबाय बियो दा सान्नो रॉफिनबाय। दा रिमिनिया गोदोनि बादि नंला दा बियो थायो गहेना गैथै लांदां। सुदैमै फिसाजो उपा रानिखौं लानानै बिहाविनि न'आवनो आलो गोजोने बिखुनजोआ हगार हराखे न'आव अरायनि थाखायनो लाखिखादें आरो बिहामजोनो आइएस.देसनि फोरोंगिरियाव सोसन्नानै होदें। दा बिखुनजोआ हारसिनो गाब्याय थायो, बिहामजो आरो फिसाखौं नायनानै आं मानो फिसा अजयखौं साव होयामोन जायनि थाखाय बिमानि सावया नांमारो। रिमिनिया दासो फारि फारि सान्नो हमदें, आयनि बुंनाया रावा आरो बाजैमोननि बुजायनाया नंखाय नडमोन दाबोनो बावनो हायाखै रिमिनिया अजयखौं एखनबा एखनबा फागिलबादि जानो नागिरा, अजय आरो गावनि अन्लायनायखौं नागिरानै एवा गोसोखानानै दा बियो सानो बियो आंनि खाफालनि लिरनायसो। बेबादिनो अजय आरो रिमिनि गोथार संसारि रं-बेथेर बायपले लादें जायनि थाखाय अजया रिमिजों संसार जानो आद्रा मिजं थालांदें।

## बिएसपि गाहाइ मायाबतिआ बियादय आकाश आनन्दखौ राजखान्थियारि उनमोनगिरि फोसावदों

लखनौ, 10 डिसेम्बर: बहुजन समाज पार्टी (बिएसपि) नि गाहाइ मायाबतिआ बियादय आकाश आनन्दखौ गावनि राजखान्थियारि उनमोनगिरि महरै फोसावदों। आथिखालाव आकाशआ बसपानि नेसनेल क-अडिनेटरबो। आकाशनि राजखान्थियारि दावबायनायखौ थांनाय 2017 निफ्राय जागायदोंमोन। मायाबतिआ 2017 आव मोनसे गिरिदर रेलि कालामनानै आकाश आनन्दखौ राजखान्थियाव थिसन्दोंमोन। आकाशआ मास्टर अफ बिजनेस एडमिनिस्ट्रेसन (एमबिए) खालामखांबाय। थांनाय 2019 आव मायाबतिनि लक सभा हाबाफारिनि समाव आकाश आनन्दआ सासे गाहाइ महर जादोंमोन। मुंदाखा दैदेनगिरिआ दिने दोलोनि मोनसे मख'जाथाव जथुमआव फोसावदोंमोन। आकाश आनन्दखौ बिन उनमोनगिरि जागोन होन्नानै फोरमायो। लकसभा एमपि दानिश अलिखौ



बसपानिफ्राय होखारनायनि सानसे उनाव बे थांखिखौ लानाय जायो, जायखौ बावैसो समनि सिगां सदनआव दान्थे-बिदान्थे खालामनाय नुनो मोन्दोंमोन। वे भवादिनि राजखान्थियाव जेब्लाबो सावरायजागा मायाबतिआ थांनाय 2019 आव गावनि फं बाय आनन्द कु मारखौ

दोलोनि माहारियारि लेडाइ आफादगिरि महरै थिसन्दोंमोन आरो बियादय आकाशखौ माहारियारि क-अडिनेटर खालामदोंमोन। फैगौ लक सभा बिसायथि 2024 खौ लानानै मायाबतिआ दिने बसपा दैदेनगिरिफोरजों लोगोसे मोनसे मख'जाथाव जथुम्मा खुंदोंमोन। मायाबतिआ थांनाय

सानफोराव दानाय बेरेखा पाटिफोरनि हान्जा इन्डिया जुथाय दोलोनि बाहागो जानो नेवसिगारदोंमोन। बेराफारसे बिएसपिनि फारसेनिफ्रायनो बे मोनने दोलोआ गाहाइ जुथाय हान्जानि बाहागो जायालासे हासिडे फैगौ लक सभा बिसायथि थि गेलोगोन होन्नानै रेखा खालामनानै होदों।

## गोबाव बोसोरसिम जॉनि हादरआव खुंथाय सामलाय फैनाय हादरनिफ्रायबो जों आवगायसिनो हाबाय

उदयपुर, 10 डिसेम्बर: भारतनि लेडाइ हादरगिरि जहदीप धनखड्आ शनिबारखालि साननैनि हाबाफारिजों राजस्ताननि बांसवाड़ाआव दावबायहैदों। बिथाड गबिन्द गुरु जनजातीय इउनिभासिटिआव खुंनाय फरायसा जथुम सावरायमेलआव बिबुंथि लाखिनानै बुडोदि, मुलुगआव भारतआ 5 थि देरसिन रंखांथि रहा जानानै फेबाय। रवबो फोथायनो हानाय नडादि, जायफोरा गोबाव बोसोरसिम जॉनि हादरआव खुंथाय सामलायफेदोंमोन आथिखालाव बे हादरनिफ्रायबो भारतआ आवगायलांसिनो हाबाय। बिथाड रवनिबो मुंमख'वालासे बुंबावोदि, माखासे लेखा रेंनाय सुबुंफोरा रंखांथि रहानि बागौ पाब्लिक डमेनआव नंखाय खौरां होयो, बेनिफ्राय दुखुंथांवावसिन आरो मा थानो हाथावगौ। 1989 आव आं एमपि जादोंमोन। जॉनि हादरआ सनानि दावदें दैग्रा दाव होन्नानै बुंजायोमोन। नाथाय



एरैबादि सम फेदों, जेयव जाहाज बुंजासे जॉनि हादरनिफ्राय सनारुफा, रं-खाविरिगुबुन हादरआव लानानै थांदों। बैयाव बन्दक दोनहैनाय जादों। अब्लाबो आथिखालाव भारतआ मुलुगनि 5 थि देरसिन रंखांथि रहा गोंनां हादर जानो हाबाय। बेखौ फोथायनो गोब्राव, नाथाय जों मावफुंनानै दिन्थिदों। गासै 40 कौटि सुबुंफोरनि एकाउन्टखौ

बेकआव खुलिनाय जादों। हादरआ गिबि खेब 24 जुलाइ 2012 आव आदिबासि आइजोखौ हादरगिरि खालामदों। आथिखालाव हादरनि गाहाइ मन्थिआ आदिबासि आइजोखौ मान होनानै गसडे। बिथाड सासे आबादारिनि फिसाखौ मान होनोबो गसडे। आदिबासि हारिनि थाखाय आरो संबिजित

बानायगानि थाखाय बेनिफ्राय बासिन गोजोन्थाव बाथा आरो मा जानो हागौ। सिगां फारसे लेडाइ हादरगिरि जगदीपआ बुंदों, गोदान आइनखौ लानानै दावराव-दावसि जादों। बैयाव एससि-एसटि आइजोफोराबो रिजाभेसन मोनगोन। सरकारआ बेनि थाखाय मावनांगौ बिबान दड। माखासे सुबुं अन्जिमाया बै सन्मानखौ मोनगोन, जाय बेनि मोन्थाय दड। बिथाडआ फरायसाफोरखौ थांखिनानै बुंबावोदि, बिसोरो टेक्नलजीजों फोनांजाबनानै थांनागोन आरो हायाब्लाबो खावसे घन्टाखौ सानसेआव बेनि थाखाय सम होनांगोन। थारैनो बिसोरो मुलाफ्फाखौ मोनगोन। जों नेसनेल स्पेस डेबो फालिदों मानोना जॉनि हादरआ अखाफोराव आगान खोखौनो हाबाय।

## सन्देह गोंनां गय सुपारिनि फालांगि खालामग्रा सुबुंखौ पुलिसआ गुलि गावदों

सिलचर, 10 डिसेम्बर: आसामनि कासार जिल्लायाव पुलिसनि जिम्मानिफ्राय खारनो नाजानाय समाव रबिबारखालि फुनि समाव सासे सन्देह गोंनां आइन बेरेखा गय सुपारिनि फालांगिखौ पुलिसआ आथिडव गुलि गावदों। बे स्मगलारनि मुड जाबिर हुसेन, जायनि फाहामथाया आथिखालाव सिलचर मेडिके ल कलेजआव सोलिगासिनो दड। बिखौ जेंना गोंनां महरै गय सुपारिनि फालांगि खालामनायाव थापादेरनायनि सन्देहआव शनिबारखालि हरनि समाव कासार पुलिसआ गुमरागावनिफ्राय हमनो हादोंमोन। सुलुनि बादिब्ला,




थासारिखौ नायबिजिरबावनो थाखाय लानानै थांनाय समाव बियो जेंना गोंनां महरै फुनि 3 रिंगायाव पुलिसनि जिम्मानिफ्राय खारनो नाजयो। पुलिसआ बिन खारनायखौ होबथानो थाखाय गुलि गावो। हुसेनि फंबायआ पुलिसनि बुंनाय बाथ्रायाव सोंथि दैखांदों। बिन दाबि दैखानाय बादिब्ला, गावनि बिदाया स्मगिलंआव

गैफादेरामोन आरो पुलिसजों हेफाजाब होदोंमोन। बियो गोरोंन्थियै सिनायथिनायनि सोमोन्देबो जिंजा सिदों आरो कासारआव आरोबाव सासे जाबिर हुसेनआ गोंनां हाबाफारिआव थापादेरनो हागौ होन्नानै सुबुरुन होदों। बियो दाबि दैखांदोंदि, गावनि बिदाया दाय गैया आरो बियो खैला फालांगिरि महरै खामानि मावो।

## भारतआ मुलुगानि जौगाखांनयानि इन्जिन महरै जौगाखांबोदों: रैखाथि मन्थि राजनाथ सिं

गोदान दिल्ली, 10 डिसेम्बर: मिरुनि रैखाथि मन्थि राजनाथ सिंआ बुंदों, भारतआ मुलुगानि जौगाखांनयानि इन्जिन जानानै जौगादों। बेयो मुलुगोनो गोदान लामा दिन्थिलांदों। भारतआ दिन्थिदोंदि, बियो मुलुगानि बयनिखुइबो गोखैसिनै आबगयबोनाय गाहाइ रंखांथि महरै गुबुन हादतफोरनि जौगाखांनयाव मोजों गोहोम होनो हानाय थासारियाव सौहैबाय। गाहाइ मन्थि नेर्रे मदिनि लामा दिन्थिलानायाव। आरबनि बांसिन भारतीयफोरनि गोखों हाबा मावनाय आरो गोहोनिनो बेयो फिथाइ। गोदान दिल्लीयाव खुंनाय भारतारि फालांगि आरो उद्यम जथुमा (पिक्की) नि बोसोरारि सरसनसा जथुमायाव बाहागो लानानै रैखाथि मन्थिआ बुंबावोदि, सरकार जौगाखां इन्जिन महराव भारतनि थासारिखौ आरोबाव गोखों खालामनो थाखाय गासैखौबो नाजादों। मानोना सरकारा बे



खामानिखौ हारसिं मावनो हाया। बेनि थाखाय जोंनो रंखांथि जरखागिरिफोर आरो बिजिरग्रा जरखागिरिफोरनि हेफाजाबनि गोंनांथि दड। भारतआ मुलुगानां रंखांथियाव जौगाखांनयानि इन्जिनब्ला, बेनि नोगोरारिफोरा बयबो रंखांथि जरखागिरि आरो सानखांग्रा बै जौगाखां इन्जिननि बिगोमा। नोंथांमोन्नाव जरखा बिबान


दडदि इन्जिननिफ्राय लानानै जोबथा इन्जिनसिम गासिबो गोंनांथिफोरखौ बुथुमनानै भारतनि जौगाखां जांरिमिनाव आलादा माइल खुन्थिया गायसन्नायाव सरकाखौ मदत होनांगौ। भारतआ दिन्थिनो हादोंदि, बेनि गासिबो नोगोरारिफोरनो थि खाबु होनानैबो जौगाखां हारआव गोखै लाबोनो हागौ। बिथाड गुदिबिथा जौगाखांनयाव

सरकारनि जरखा नाजानायखौबो रायखांदों, 2014 मिसाव भरतआव 91,000 किल'मिटरल' गोलाव माहारियारि राजा लामा दंमोन। आथिखालाव बेनि अन्जिमाया 1.5 लाख कि:मि: जाबाय। 2014 आव भारतआव गासै गं 74 उरां गाथोनफोरल' दडमोन, जाय नै गुण जाफैबाय। हादतनि आदिबासि एबा गाहाइ थाखोन सुबुंफोरनो जायामानो, सरकार

बिसोरनो यजना लाबोना होदों। आइजोफोरखौ गावनि आथिंआव गसंथानाय खालामनाया जॉनि गुदि मावनांगौ हाबा जाबोदों। सैनिक स्कुलआव हिन्जावसाफोरखौ थिसन्थाय होनो जागायदों। हासा सन्थि, अखांमा सन्थि आरो दै सन्थिनि आइजो बिबानगिरिआबो माहारियारि रैखाथि एकाडेमियाव ट्रेनिं लागासिनो। अखांमा सन्थिआव दावहा नांग्रा उरांफोरारबो आइजो पायलटफोरखौ थिसन्थाइ होदों। अग्निबर यजनिनि गेजेरजों गिरिदर अन्जिमायाव जॉनि आइजोफोरा सन्थिआव बाहागोआरि जाबोदों।

## जम्मु-काश्मीरनि पुन्छ जिल्लायाव सुदुर गामिखौ उदांसिनि उनाव गिबियै लामा फोनांजाब मोनसिगोन

जम्मु, 10 डिसेम्बर: जम्मु-काश्मीरनि पुन्छ जिल्लायाव उदांसिनि उननिफ्रायनो लामा फोनांजाब खाबु मोनो हायै चेल्ला डंगरी गामिनि सुबुंफोरनि नेनानै थानाया थाबैनो जोबनानै थांसिगोन। बिबानगिरिफोरा फोरमायदोंदि, पुन्छनि डिपुटि कमिसनार यासिन एम चौधुरिआ चेल्ला डंगरिखौ अटली आरो बेनिफ्राय महकुमा मावख'जों सरजाबनो थाखाय लामा बानायनायनि खामानिखौ शनिबारखालि नायसंदों। बिथाड फोरमायबावोदि, गामिनि सुबुंफोरा गावसोरनि खाथि-खालानि पन्चायतफोर आरो गुबुन जायगाफोरजों लामा फोनांजाब खालामनो उदांसिनि उननिफ्रायनो खावलायबोदों। चेल्ला डंगरीनि सुबुंफोरा थाबैनो बे यजनाया मावफुंजागोन होन्नानै आसा खालामदों। गनायनानै लानाय



जादोंदि, बे गासैबो आटिकेल 370 खौ बोखारनानै होनायनि उनाव जौगाहोनो नाजानायनिबो फिथाइ। जम्मु-काश्मीरखौ जर'खा बिमुं होप्रा संबिजितनि आटिकेल 370 नि सायाव सुप्रिम कर्टआ समबार, 11 डिसेम्बरखालि थांखि

फोसावगोन। बिजिरसालिआ मोन 23 आर'जलाइफोरनि सायाव थांखि फोसावगोन। थांनाय 5 सेप्टेम्बरखालि सुप्रिम कर्टआ फारनैथिनिबो बाथा बानबुंथिफोरखौ खोनासंनयानि उनाव थांखिखौ फोसावालासे रैखाथियै लाखिदोंमोन। 16

केसआव जोबथा थांखिखौ खोनासंहोगोन। आर'जलाइ थिसनग्राफोरनि फारसेनिफ्राय कपिल सिब्बाल, गपाल सुब्रमण्यम, दुष्यन्त दभे, रजिब धावन, दिनेश द्विबेदि, गपाल शंकर नारायनजों लोगोसे सा 18 उकिलफोरा बाथा बानबुंथि होयो। बेराफारसे मिरु आरो गुबुन हान्जानि फारसेनिफ्राय एजिआइ भेंकटरमणी, एसजि तुषार मेहता, हरिश सालबे, महेश जेटमालानी, मनिन्दर सिं, राकेश द्विबेदिआ बाथा बानबुंथि होयो। सरकारआ गाहायै रइज्योनि गावसनाय आरो आटिकेल 370 नि दफाफोरखौ बोखारनायनि थाखाय आजावनाय संसदयारि हाबाफारिखौ आवुडै बाथा बानबुंथिजों लोगोसे बेखौनो थि होन्नानै फोरमायदोंमोन।

## छतीसगढ़नि सिएमनि रेसआव अरुण साव आरो अपि चौधुरिनि मुडाबो सिगाडाव



रायपुर, 10 डिसेम्बर: नेहाथारि दुष्यन्त कुमार गौतमजों लोगोसेनो पार्टिनि छतीसगढ़ बिबानगिरि अम माथुर, मिरुआरि मन्थि मनसुख मान्डाविया आरो रइज्योनि थाखाय पार्टिनि लेडाइ बिबानगिरि नितिन नबिजआ मोनसे जथुमायाव बाहागो

नेहाथारि दुष्यन्त कुमार गौतमजों लोगोसेनो पार्टिनि छतीसगढ़ बिबानगिरि अम माथुर, मिरुआरि मन्थि मनसुख मान्डाविया आरो रइज्योनि थाखाय पार्टिनि लेडाइ बिबानगिरि नितिन नबिजआ मोनसे जथुमायाव बाहागो

लायो। बेराफारसे अबिसि दैदेनगिरिफोरनि गेजेरव अरुण साव आ रो अपि चौधुरिनि मुडाबो रेसाव दंफायो होन्ना सुलुडव फोरमायदों। फारसेथि बिजेपिनि सेन्ट्रल सुपारिभिशसफोरनि गेजेरव थाफानाय अर्जुन मुन्डाआ रइज्योनि गिबि मन्थिनि मुंखौ लानानै थांखिखौ थि खालामनो फेदों होन्ना बुडे। एमएलए दोलोनि जथुमायाव मुंखौ थि खालामनाय जागोन आरो बेनि थाखाय दसे नेबावनांगोन।

लायो। बेराफारसे अबिसि दैदेनगिरिफोरनि गेजेरव अरुण साव आ रो अपि चौधुरिनि मुडाबो रेसाव दंफायो होन्ना सुलुडव फोरमायदों। फारसेथि बिजेपिनि सेन्ट्रल सुपारिभिशसफोरनि गेजेरव थाफानाय अर्जुन मुन्डाआ रइज्योनि गिबि मन्थिनि मुंखौ लानानै थांखिखौ थि खालामनो फेदों होन्ना बुडे। एमएलए दोलोनि जथुमायाव मुंखौ थि खालामनाय जागोन आरो बेनि थाखाय दसे नेबावनांगोन।

## भारत आरो खोला करियानि राजखान्थियारि सोमोन्दोआ 50 बोसोर आबुं जाबाय

गोदान दिल्ली, 10 डिसेम्बर: भारत आरो खोला करियानि गेजेरव राजखान्थियारि सोमोन्दोआ 50 बोसोर आबुं जाखांबाय। बेनि गेजेरजों पिएम मदिआ भारत आरो खोला करियानि र। ज ख। नि थ य। रि सोमोन्दोफोरखौ लानानै सशेल मिडिया एक्सयाव मोनसे पस्ट खालामो।



पिएम मदिआ एक्सआव लिरोदि, जों भारत आरो करिया गणराइज्योनि गेजेरव राजखान्थियारि सोमोन्दोखौ गायसननायनि 50 बोसोरारि सानखौ फालिगासिनो दड'। बे समा गावजों गाव मान होलायनाय, शोयाव खालामनाय बायदिनि दावबायनाय। बेनिखायनो आं हादतगिरि युआन सुक योलेनो

बे 50 बोसोरारि साननि हामलायथि बाउहरो होन्ना पिएम मदिआ बुंदों। लोगोसे जोंनि जरखा सोलोखान्थियारि शोयारखौ गोथौ आरो फु वारनायनि थाखाय लोगोसेयै गोरोबलायनानै खामानि मावनायखौ लानानै गोजोन्नाय मोनो होनना बिथाड फोरमायबावदों।

सिजेआइ डिवाइ चन्द्रचुड, बिजिरगिरि सन्जय किशान कौल, बिजिरगिरि सन्जय खान्ना, बिजिरगिरि बि आर गवाइ आरो बिजिरगिरि सुर्यकान्तनि बेन्चआ बे

बे 50 बोसोरारि साननि हामलायथि बाउहरो होन्ना पिएम मदिआ बुंदों। लोगोसे जोंनि जरखा सोलोखान्थियारि शोयारखौ गोथौ आरो फु वारनायनि थाखाय लोगोसेयै गोरोबलायनानै खामानि मावनायखौ लानानै गोजोन्नाय मोनो होनना बिथाड फोरमायबावदों।

# दावखाफोरा थारैनो सोलो गोरें जायो नामा ? बिगियानगिरिफोरनि मोनसे नायसंनाय

धैर्य आरो माखासे थाखोन सोलो गोरोडा जिउयारिफोरनावबो थायो। बिसोरो खेफोदनि समाव गावसिनि आखुखौ सोलायनो हागौ। लोगोसेनो बिसोरनि गावनि गात्रा आदारखौ सिनायथिनायाबो गोख्रें जायो आरो बेराफासं गावनि सायाव सेल्फ कन्ट्रल एबा नेथावनानै थानोबो हायो। माखासे दावफोरा दिन्थियोदि, बिसोरो आदारनि बिथिडव थाबैनो एबा



गोलैयैनो मोनग्रा खाबुखौ नागारनानै साबसिन मोन्यायनि आसाजों गोलाव सम नेनानै थानायखौ मोजां मोनो। बावैसो सिगां प्लास वानआव सेबखानाय स्टडिआव संदानगिरिफोरा मोन्दोदि, सोलो गोरें होन्नानै गनायथिजानाय गुबुन दावफोरजों रुजुनायाव दावखानाव बांसिन धैर्य आरो नेनो हानाय गोहो दडा। बे स्टडिखौ इडकेनि केम्ब्रजआव एन्जला रस्किन इडनिभासिदि आरो इडनिभासिदि अफ केम्ब्रजनि संदानगिरिफोरा दावहानि फोलेरनि



मोननै हारि, इउरेसियान जे आरो निउ केनेडनियान दावखाफोरनि आखुखौ रुजुनानै नायदों। बे मोननै फोलेरनि दावखाफोरा मोननैबो कर्मिड नख रनि आरो जोबोद सोलो गोरें होन्नानै गनायजायो। बे स्टडिआव नायबिजिसनाय जादोंदि, माबोरै बेफोर दावखाया गावनि



आदारखौ मोनजानायनि खाबुफोरनि सायाव माबादि आखु दिन्थियो। जेव्हा बेयाव गुबुन दावफोराबो थायो आरो थाबैनो बिसोरो गावनि गोनांथिखौ सुफुन्यायनि जायगायाव सेल्फ कन्ट्रलखौ दिन्थियो। संदानगिरिफोरा बे स्टडिआव मोनसे गिदिबाय थाग्रा ट्रेनि टस्क होदों, जेराव दावफोरनि आदारनि थाखाय मोननै रोखोमनि खाबुखौ सायख 'नायनि अप्सन महरे होदों। बेनि मोनसेआ खम गुन गोनां आरो गुबुन मोनसेआ मोजां गुननि आदारमोन। दावखाफोरनि थाखाय बेदर होनाय जादोंमोन। दावफोरा बे मोननै आदारनि गेजेरव बबेखौ थाबैनो आजावदों आरो बबे दावआ गुबुन आदारनि थाखाय नेनानै



थादों बेफोरखौ संदानगिरिफोरा नायबिजिदों। स्टडिआव इउरेसियान जे दावखाया जर 'खा पेटाननि आखु दिन्थिदों। हारिसेनो बे दावखाया मोजांसिन आदारखौ जानो नेनानै थादोंमोन। नाथाय जेव्हा गावजों लोगोआव गुबुन दावफोरबो थाफादोंमोन अब्ला बियो जायखौ मोनग्रादों बेखौनो खम गुन गोनांब्लाबो जाग्रादोंमोन। बेराफासं निउ केनिडनियान दावखाफोरा मोजांसिन आखु दिन्थिदों। बिसोरो जायखि-जाया मानो मोजां गुन गोनां आदारखौ नेनानै थानायव सेल्फ कन्ट्रलखौ साबसिनै दिन्थिदों।

## हर गेजेरनि सिमां

सोरमोन नों अनजालि  
दिनेनि बे हर गेजेरनि सिमांआव  
बैथा गैयै दिड्ड लाना  
लैथो बिखायाव जावै-जावै  
आखाय फायखानानै लिंहरनाया  
मानोथो फेयामोन बे हरनि समाव ?  
मानोथो गिदिलांफिनखो रुंगु गैयै  
लैथो बिखायाव ?  
थांगोमोन आंबो नोंजों लोगोआव  
नोंनि दुखुथिआ जिउआव  
मोजोमसे अन्नाय होनो  
सुखु दुखुनि बाश्ना फोरमायलायनो  
थांगोमोन आबो बे रुंगुआव ॥

श्री पदमधर ब्रह्म  
गामि- मावरियागाव  
ला:सो:- नापेकगाव

## सिमां

सिमां नुदोंमोन जेव्हा आं  
जिउनि लामायाव।  
बैथा गैयै दिड्डखौ लानानै  
रुंगु-गैयै संसारव,  
जेव्हा आंनि मिजिक फैमाल जायो  
अब्ला आंनि जिउआ  
आगोर मोना जायो।  
सानाखेमोन आं माब्लाबो,  
जिउआव बेबादि जागोन।  
समनि बेसेनखौ सिनाय रोडेआव  
थारैनो बुखार जाबाय आंनि मिजिड  
नुस' मोनै लैथोआव सिमां बादि।

श्री केशव बसुमतारी  
ला:सो:- हलटुगाव  
जिला- ककराझार

# रंजालि गथ'फोरनि सौरा

## सिप्लेन्डर भाइकजों गोजोन संसार

गोसो थोनाय गैया आगै लाइखिहा  
जगाजगनि गेजेरजों, व्हाट्सएप मेसेजों  
मोखांजों मोखांबो गोसो थोयो बुंबाय  
नाजावनानै लायाखै आंनि फोरमायनायखौ,  
R15 भाइक बायबाय  
गोसो थोगौबा आंखौ  
थेवबो नाजाउवाखै आंनि अननायखौ,  
आइनि मुडव लिरजानाय  
नोगोरनि जख्तबसे हा बिथाखौ फानानै  
नैथि आखाइनि स्करपीअ' बायबाय  
थेवबो हाथारखिसे फथायनो आमोखाया।  
दाबो बियो जुलि जायाखै  
फरायसालिमायाव थांबाय थानाय आं नुयो,  
ग्लेम्वार भाइकजों सोरबा सेंग्रा बिखौ दोनलाडो  
टल गेटआव बियो हाबा मावो,  
आंदि बेखार, बेखौ बियो मिथियो  
युननि गोजोनखौ बियोदि मिथि रोडे,  
नडमोनब्ला आं दा उदांसारिया  
आंखौबोदि बियो गोसो थोगौमोन, बिखौ आं दा मिथियो।  
न' खाथिनि आदा थेंगोना  
फथायदोंमोन हिन्जावखौ केथिएम भाइक लाना,  
सेंग्रा सिख्लानि समाव  
गोदौ गोथावमोन बिसोरनि अनज्जायनाया,  
जुलिनि मोनाय जोथोबजों  
जायोमोन सिंगि मागुर ना,  
जुलिनि दान मोनसे उनावबो  
बिफानि खिबुयाव आखाइ होनानै  
जायोमोन आदा थेंगोनाया,  
मावनो रोड दानो रोड होत्रानै  
बेनिखायसो खारदोंमोन जानांगो बाजै हायनाया।  
गाहामानो जादों लाइखि नोंनि साननाया  
आदा थेंगोनानिबादि फिसाय गारनानै खारजायोब्ला  
आसखान्दा जागौमोन आंहाबो संसारा,  
बुजिबाय दानिया आंबो  
स्करपिअ'खौ फानफिन्ना फिसा फालांगि जुरिनोसे  
सिप्लेन्डर भाइकजों आंबो गोजोन संसार नागिरनोसे।

सरन बसुमतारी  
बिससुरि, क'क्राझार

## गजल खनथाइ

गोसो थोना मोनाबोला  
बोहैगोन रजे मोदैनि जिरजिला  
  
रजे, नोंनि दरखडव बेखौ  
बुंखानानै दोनखायाबोला

खालामनोबो हागौ नों  
मालाबा बिलियाव आला माला

जेराव नड रजे  
मोजां मोननाया खेला

-रैदोम बर',  
माजदिया, बगुलामारि,  
बाक्सा

## बिबार् बाबि

बिबार् बारियाव  
सनायना बिबार्  
बिलिरफैयो  
गोजोन सुदेम बार।  
हाइला-हुइला मोसा बोगौ  
सिखिरिफोरा  
बिबारनि मोदोमफ्रु बिदेखौ सोबनो  
बिरयै-बिरयै बिरनानै।  
सोबफेगोन जेबोला बेरेसिखिरि  
बिबाराव  
मिनि हालो मिनिगोन बागानाव  
रंजागोन मोसागोन हाइला-हुइला  
सानसेनि ओंथिगोनां जिउखौ  
बिदाय होगोन।  
जोबनाय नड बिदिनो बिबारनि  
बागानाव  
अखानायगोन आरो बारलायगोन  
फैलायगोन बेरे सिखिरि हान्जा,  
बिदिनो समायनाया मुलुगाव  
जाबाय थागोन।

श्री प्रियज बसुमतारी  
जि.के.बि. एकाडेमी काजिगाव  
गामि : डुलिगाव ( टिपकाइ )

## गुबुंग्ले आबहावा

गोसोथोनायनि माया जेआव  
गोजोम हाबदों दैमानि  
बाला बारनि रुगुडव,  
जावलिआ बार बुसोमनायाव  
खल्था गोरान साम'फोरा  
गोलैना दं -- आलाय सिलाय  
गोर्बनि बेसेन गोसा लो' गोमानायाव ?

जिउनि गोजोना हराव गोमालाडो  
गब'नाय हांमानि गुथालाव,  
सिरि मोनो लैथोआ सिफुंनि रिंसारनायाव  
मावलुं फैदों दैथुन सौग्रावनायाव ?

सोरगिदि साननि बिडुडव  
मुखुव मावनाय आबादारि - मावमुंजिबि  
गुन्जेर फोरनि नासयनायाव  
रोनोसोन्डि महर बोदोर हिनजावनि  
जिउआ जोबोद गोब्राव गिनायजों  
निदाननि जात्र'थायाव ?

गुबुंग्ले आबहावा  
बाग'दाउ खाडे गिनायजों लोरबां फोरा  
जुमाय गारनो हायै जौसाय फाग्ला  
जाखोसे थिउरिया सेंग्रा,  
गिदिला बायो लामा सामा  
जिउनि ओंथिखौ मोन्दाडैआव  
गन्थडव नाफैयो नालानि गोसाव फोरा ?

निउसि जानाय द्लाम जिउ फोरा  
र'सा नांहाबनायाव उदैखौ सुफुंनो  
डास्टबिननि खालाय दैफोन नागिरो एरै एरै  
थाम्फे दांग्रानि थिफुद्ला नोजोरा  
लोबां जिउखौ मेगन जाहाबना नायहरदों ?

आबहावाया जोबोद बेंगुरा  
जेराव मेराव गोलैना दं थैसाम फोरा,  
साननि बिडुडव खामगिलयो हाबिला  
सानमोखानि स्ल'गान आखाय बेरनाय  
बुमिन गैयै बिबुंसार।

लान्थ'खा हाजोआ सानजुफुआव  
सोमखोर आरंगानि डुब्ल,  
लांदां जादों जोबखानायनि गोरसाउनायाव  
सन्देरदों केन्सार बेरामा  
बोहै लांदों उदां बिखायाव ?

अराय सम गाबखाउदों हाडू बेगें फोरा  
गिदिला बायदों आदार नागिरना  
दैमा दैसा बोहै लांदों,  
बुमिन गैयै दोरोदथायलुआव  
आलाय सिलाय हांमा थानाय गोर्बो  
बे बादिनो जोबलांदों  
मोजाडै थाखानाय गोजोन आबहावा।

पबित्र ब्रत दैमारी  
ग'लाघाट

# तामुलपुर जिल्ला बारग' सान्थि आफादनि 27 थि गायसन्थाय सान फालिदों

तामुलपुर, 10 डिसेम्बर: मेजर सनेस्वर दैमारीआ। मेलाव सुबेदार बासुदेब बर्मनआ गाहाइ आलासि महरे बाहागो लानानै गावनि बिबुथियाव बुजोदि, - मेजर, लेफटिनेन्ट, केप्टेइन, बे मोन 8 प्रमसन लानाया गोलै बाश्ना नड। नाथाय बेनि फासं सांग्रां जाब्लासो गोलै जायो। सरकार आरो हादतनो सिबिथायाव सम होबोनाया गुबुन बाश्ना, नाथाय

दानिया बेनिफ्राय आजिरा लानानै गावनि नख'रनो सम होनो हाब्लासो गावनि नख'र आरो हादतआ मोजां जायो होन्नानै बिथाड बुजो।

नसुसेया मोजांब्लानो गामिया मोजां आयदानि मेलाव बाहागो लानानै हाबिलडार क्लार्क दिबन्प्यति स्वर्गियारीआ बिबुंथि होयो। बे हाबाफारियाव

रायदाव आफादनि आफादगिरि लाहिराम बसुमतारि, नेहाथारि हनि नाइब सुबेदार करुना कान्त बसुमतारि, लोगो नेहाथारि हलधर बसुमतारि आरो तामुलपुर जिल्ला बारग' सान्थि आफादनि नेहाथारि नाइक बानि कान्त बर'आ बाहागो लायो। मेलखौ सामब्लायो प्रिया बसुमतारिआ।

# सानसोरां लाइमोन आफादनि बान्जायनायाव गिबि सालबारि फुटबल टुर्नामेन्ट

भबानिपुर, 10 डिसेम्बर: सालबारि फरायसालिमानि गेलेग्रा फोथाराव सालबारि सानसोरां लाइमोन आफादनि बान्जायनायाव खुंनाय गिबि सालबारि फुटबल टुर्नामेन्टनि दिनेनि फाइनाल मेचखौ साहिबारि जोहोलाव फुटबल क्लब आरो बासबारि बिरसा मुन्दा स्पर्टस क्लबनि गेजेरव गेलेनाय जायो। मोनैबो हान्जानि नारा-नाथाद जुजिलायनाय दिनेनि फाइनाल मेचनि गिबि हाफनि 5 मिनिटआव जोहोलाव फुटबल क्लबनि जानानै सिमां बसुमतारिआ गलसे गल सोयो। उनाव थिखानाय समसिम बिरसा मुन्दा स्पर्टस



क्लाबआ गलखौ सुख'फिन्तो हायैयाव जोहोलाव फुटबल क्लबआ 1-0 गलनि फारागथियाव सेमियनसिफखौ देरहायो। देरहासार हान्जानि सुमन

बर'आ साबसिन गेलेगिरिनि बान्थाखौ मोनो हायो। बेलासिनि 3 रिगानिफ्राय जागायजेन्नाय फाइनाल मेचखौ बेखेवनानै होयो सालबारि टिसिएलसिसिनि

मासिगिरि बिनद मुसाहारीआ। मेचनि जोबथायाव देरहासार हान्जा, यनार्सआप हान्जानो नोगोद रं, टूफिखौ गथायनानै होनाय जायो।

सुस्रि जासमिन नाजारी  
गामि- खारगाव  
जिल्ला-ककराझार बिदि,( आसाम )

## आसाम सोमावसारनायाव जिउ बाउसोमनाय ...

गिबि मन्श्रि ऊ शर्माआ साबायख 'र होजानाय असमीया हरिनि जानानै मुंख्लंफोरनि आदर्शखों सिगां लांहोनायनि थाखाय दिन्नैनि बे सानावनो फिन खेबसेबाव समायखिरा लानायनि बाश्राखों मख'दों। बिथाड खुंदोंदि, १९७९ माइथायनि १० डिसेम्बरखालि फुर्बिलि समाव आसामनि रइज्योफोरा आइन बरेखा होन्ना फोसावना होनाय बिसायख'थिनि नमिनेसन बिलाइ थिसन्नायनि थाखाय आगुनि हादतगिरि फखरुदिन आलि आहमेदिनि बिसि आबिदा आहमेदआ बरपेटासिम दावबायनायनि हेंथा सोमावसारनायाव बाहागो लानानै भारतनि सार्वभौम्त आरो संबिजिरनि गोथारथिखों रैखा खालामनो उजान बरबरि गामिनि फरायस करगेश्वर तालुकदार गवनि जिउखों बाउसोमनांदोंमोन। बे सोमावसारनायनि इयुन खोलोबाव आसामनि सा ८६० मुंख्लंफोरा जिउ बाउसोमदोंमोन होन्ना हरियारि सोमावसारनायखों जोबोद गोखों महर होनायनि अनगायथेबो रइज्योजों लोगोसे हादतनि थामोन्थाखों रैखाथिनि सोमावसारनायखों गेदेर खालामदोंमोन। गुबुन हादतनि सुबुंफोरखों होखारनायनि थंशिखों आसाम सोमावसारनाया जागायजेन्दोब्लाबो बे सोमावसारनायनि थंशिखिआ जोबोद गेदेरमोन होन्ना बिथाड बुडे। आसाम सोमावसारनाया असमीयानि गाव हादत मोजां मोन्नाय आरो बाउसोमनायनि मोजां बिदिन्थि होन्ना मख'नानै गिबि मन्श्रिआ बुंदोंदि, असमीयानि गोबों-थामोन्था, गावआरि मान होनाय, राव-हारिमु-आरिमु आरो जारिमिनारि बे गासैखोंबो आसाम सोमावसारनाया बाहागो खालामना लाफादोंमोन। आसामारिनि गेजेराव हरिमुवारि आरो समाजारि सान्नाय हनायखों सांगां खालामनानै बे सोमावसारनाया जौनि हारिखों गोदान जिउ होदोंमोन होन्ना बिथाड बुडे। गावनि बिबुंथियाव गिबि मन्श्रिआ बुंदोंदि, आसामनि गुबुन हादतनि नोगोरारिफोरखों होखारनाय आरो गोबोंखों रैखाथि होनायनि सोमावसारनायाव जिउ बाउनाय, मुंख्लंफोरनि थैनो रोडे गोसोखांथियाव आसामनि रइजो-राजाफोरा बोसोफ़्रोमबो १० डिसेम्बर अक्टखों मुंख्लं सान महरै फालिबोदों। आसाम सोमावसारनायनि नोजेराव गोलैनाय जायगानि सोमोन्दै मख'नानै बिथाड बुंदोंदि, १९७९ माइथायनि मार्च दानाव भै समनि मंगलदे बियाबनि एमपि हिरलाल पाठराफोरा अरंसारि जायो। बे मासिया लादां जानायव बिसायख'थि आयना आ मंगलदें बियाबनि उफ़ा बिसायख'थिनि हाबाफारिखों जागायजेनो आरो १९७९ माइथायनि एप्रिल दाननि भटार फारिलाइ ड्राप्ट फोसावनानै फिन नायसंफिननायनि बिथोन होयो। बे हाबाफारियाव बिजिरनायफोरा गासै ४७ रोजा सन्देह गोनां मुंनि फारिलाइ मोनसे नायफिन होदोमोन। जायनि गेजेराव २६ रोजा एब्रा ७२ जोखोन्दों मुफोर सन्देह गोनां होन्ना रोखा जादों। बे जाथायानो रइज्योवाय मोनसे फिनजाथाय सोमजियो आरो आसामआव मोनसे सोमावसारनायनि होंखुर जानाय सोमजियो। बिथाड बुंदोंदि, दुलाराय आसाम फरायसा आफादआ हेंथा सोमावसारनाया हाबाफारिखों जागायजेन्नानै १९७९ माइथायनि जुन दानाव गुबुन हादतनि नोगोरारिफोरखों हमनाय, भट होनो मोन्नायखों दानख'नाय आरो गुबुन हादतनि नोगोरारिफोरखों होखारनो दाबि खालामो। बे सभावनो १९७९ माइथायनि २० आगस्ट्याव मिरुयाव चरन सिं सरकारआ नेवसिजायो आरो बे बोसोरनिनो २२ आगस्ट्याव लकसभाया सिलिंखार जायो। हादतनि गोदान सरासनस्त्रा बिसायख'थि फोसावनायनि बिथिडव मंगलदैनि उफ़ा बिसायख'थियाबो दोन्थजायो। दुलाराय आसाम फरायसा आफादिनि दैदनायाव १९८० माइथायनि सरासनस्त्रा बिसायख'थिनि भटार फारिलाइखों फिन नायफिनलासेनो आसामनि बिसायख'थि खुंनायखों हेंथा होयो। बिथाड बुंदोंदि, १९७९ माइथायनि २६ नभेम्बरवा स १७ सोद्रोमानि फरायसा दैदनेगिरिनि मोनसे थान्दै हन्नाया आसामआव बिसायख'थि दोन्थ'नो होदतगिरि निलम सन्जिब रैदिनो गोसोखां बिलाइ थिसनो आरो बेनि सनाउ उनाव नख'र मन्श्रि बरेखा दोलोनि दैदनेगिरि आरो आसामनि गिबि मन्श्रिजों बे आयदाथायव सावरायलायनो मोनसे जथुम खुंनाय जादोंमोनब्लाबो बे जुथुमयाव सुस्रांजानाय सुलुं ऑंखाराखैमोन। बे बोसोरनिनो २ डिसेम्बरवा गहाइ बिसायख'थि कमिषनारा भट थुनायखों दोन्थयैनि थंशिखि लायो आरो नमिनेसन हाबाफारिखों जागायजेनो। दुलाराय आसाम फरायसा आफाद आरो दुलाराय आसाम गन संग्राम परिषदआ नमिनेसन थिसन्नायखों हेंथा होनायजों गासैबो भट थुरा मिरुनि साखाथियाव १९७९ माइथायनि गिबि सपाहाखो गेदेर पिकेटि जागयजेनो। १९७९ माइथाय १० डिसेम्बरवा नमिनेसन बिलाइ थिसन्नायनो जौबथा सानाव सुबुंयो नाडेबन्द फोसावना होदोंमोन। रइज्योनि गहाइ सोहेर गुवाहाटीजों लोगोसेनो गुबुन गुबुन ओन्सोलयाव सरकारआ कार्फिउ आइनखों फोसावना होदोंमोन। गुवाहाटीनि लखटकियानिफ्राय बरपेटानि बिसायख'थिनि बिजाथि बेगम आबिदा आहमेदिनि नमिनेसन थिसन्नायनि लामायाव पुलिस बिथोनगिरि केपिएस गिलआ मोनसे हान्जाजों लोगोसे हेंथा सोमावसारनिफारिफोरखों होबथानो थाखाय नाजायो। बिसोरो हेंथा सोमावसारगिरिफोरखों गाग्लोबो। बे जाथायानो २२ बोसोर बैसो करगेश्वर तालुकदारखों भवानिपुरव खास्त्रि-बिस्त्रिये गाग्लोबाने बुधारनाय जायो। आसामनि रइजो-राजाफोरा कर्गेश्वर तालुकदारनि बे थैनाय सानखों गुबुन हादतनि नोगोरारिफोरखों होखारनाय सोमावसारनायनि गोथार मुंख्लंफोरनि गोसोखांथियाव मुंख्लं सान महरै १९७९ माइथायनिफ्राय दिन्नैसिम फालिबोदों। साबायख'र बाउजानाय असमीया हरिया स ८६० मुंख्लंफोरनि बिहोमाखों माब्लाबाबो बाउगारनो हाया होन्ना मख'नानै बिथाड बुंदोंदि, बिसोरो जौनि हारिनि थाखाय बाउसोमनाय, साहज, गिनो रोडे आरो गोहो-बोलीनि गोखों बिदिन्थि जाना थागोन। मुंख्लं साननि बे गोथार सानाव बेंपुर, उतखार खालामजानाया हरिनि थाखाय आसाम सोमावसारनायनि साफ़्रोमबो सोमावसारगिरिफोरखों गावनि बिबुंथियाव फिन खेबसेवाव साबायख'र आरो मान बाउदों गिबि मन्श्रिआ।

मुंख्लंफोरनि बाउसोमनायफोरखों जायथिब-जाया रंखान्थियारि अन्सुंथायजों रूजोन हाया होन्ना

मख'नानै गिबि मन्श्रिआ बुंदोंदि, आसाम सरकारआ मुंख्लंफोरनि नख'रारिफोरखों फिन फसफिननाय आरो

बिसोरनि खाथियाव गंसथानो मुंख्लं आरो उतरखार खालामजानाय ट्रास्ट दानायजों लोगोसे माखासे

नाजानायफोरखों आखाइयाव लादों। बिथाड बुंदोंदि, बाडइ समनिल' गेजेरावनो बे मुंख्लं गोसोखांथिया

बिथिडव लुजानो गोनां मुंख्लं खाम्फा आरो मुंख्लं पार्कआबो हारिखों इयुननि नाजायनायनि थाखाय साहज

आरो थुलुंगाखां जागोन। आसाम सोमावसारनायाव बाहागो लानानै गोबाडनो रजखान्थियारि जिउखों

जागयजेन्दों होन्ना मख'नानै बिथाड बुंदोंदि, १९७९ माइथायनि ९ डिसेम्बरखालि फुर्बिलि समाव

लाखटकियानिफ्राय बेगम आबिदा आहमेदिनि बिसायख'थि हाबाफारिनि दावबायनाया जागायजेन्नाय समाव

बे समाव बिथांखों होबथानो नाजानायफोरनि गेजेराव जों गोबाडनो दडमोन आरो आसाम सोमावसारनायनि

गोबां मुंख्लंफोरजों लोगोसे जोडे जुथायै खामानि मावनायनि खाफाल गोनां जादोंमोन। गुवाहाटी फाहामथाय

फरायसालिमायाव गुलि नांजानानै फाहामथायनि थाखाय फैनाय साहज गोनां लाइमोफोरनि गोसोखांथिया

आधिखालावबो आंखों थुलुंगाखां होयो होन्ना मख'नानै बिथाड बुंदोंदि, आसामखों गासैबो बिथिनिफ्राय

रैखाथि होनो थाखाय जेब्लायबो बिबान गोनां आरो समायखिरा गोनां दड।

थानाय नै खावसे बोसोराव गुबुन गुबुन धंश्रिखो आखाइयाव लानायनि बाश्राखों मख'नानै गिबि मन्श्रिआ बुंदोंदि, बे सभाव रइज्यो सरकारआ ६८ रोजा बिथा हाखों सन्देह गोनां गुबुन हादतनि नोगोरारि आवथानिफ्राय उदां खालामनो हादों। आधिखालनि सरकार हारिखों रैखाथि होनायनि अनगायै जायखि-जाया राहाफोरखोंनो जोबथा होन्ना सान्ना लाया होन्ना मख'नानै माहारियारि नोगोरारि पन्जियाव नंखाय फोरमानफोरजों मुं थिसन्नाय सुबुंफोरखों सिनायथिनायनि थाखाय फिन खेबसेबाव जुथाय नाजानायनि थाखाय सरकारआ थंशिखि आजावना लागोन होन्नानैबो गिबि मन्श्रिआ फोरमायना होयो। हानि मोन्थायनि आयदायाव गिबि मन्श्रिआ बुंदोंदि, माजुलि, बरपेटा, बटद्रबा ओन्सोलनि हाखों जायगानि सुबुंफोरनि अनगायै जाहाथे गुबुनफोरा बायनो हाया बेनि थाखाय आइन थियारि खालामनायनि थाखाय सरकारआ आधिखालाव खामानिफोर्खों दावगाहोबावो। समाजारि होबथानायनि उफ़ा हाबा थाया होन्ना मख'नानै गिबि मन्श्रिआ बुंदोंदि, समाजआ जेब्ला रंखान्थिखों आखाइयाव लायो, समाजआ जेब्ला फिन होबथाफिननायनि राहाखों आखाइयाव लायो, अब्ला हरिया गोखों जायो। समाजारि होबथानाय आरो समाजारि जौगाखांनाय बे मोन्दै खामानियाव सरकार आरो हरिया आखाइ हमलायनानै सिगां लाडोब्ला हारिनि दावगानाय आरो जौगाखांनायखों रवबो होबथानो हाया होन्ना बिथाड खुडे। गिबि मन्श्रिआ दिने लुजाबाय थानाय मुंख्लं गोसोखांथि बिथिं आरो मुंख्लं खाम्फानि जौगाखांनायखों मिबथिना लानायजों लोगोसे हाबाफारियाव आसाम सोमावसारनायनि गिबि मुख्लं करगेश्वर तालुकदारखों लोगोसे मुंख्लं नख'र गीसाद्रोमाफोरखों मान बाउदों। हाबाफारियाव आसाम सरकारनि आबाद मन्श्रि अतुल बरा, देहा आरो नख'र अन्साय बिफाननि मन्श्रि केशव महन्त, गुवाहाटी लकसभा बियाबनि एमपि कुइन उजा, रइज्यो सभानि एमपि आरो गिबि मन्श्रिनि राजखान्थियारि नेहाथारि पबित्र मार्धरिता, एमएलएफोर स्मेन्द्र नारायण कलिता, पर्मानन्द राजबंसि, गुवाहाटी नोगोर आफाद मेयर मुगेन सरनिया, गहाइ नेहाथारि पबन कुमार बरखुर, सुबुं लुफुंफ़ा बिफाननि नेहाथारि राज चक्रबर्ती, आसाम रदाय मावफुं बिफाननि जर'खा नेहाथारि अशक बर्मन, आसाम सोमावसारनायनि मुंख्ल आरो उतरखार खालामजानाय नख'रारिजों लोगोसे माखासे मान गोनां सुबुंफोरा बाहागो लाफैदों।

## गवायाव खुंनाय ट्राइबेल फोर्बो लकत्सभ-

## २०२३ फोर्बोआव गहाइ आलासि महरै ...

हाबाफारियाव बाहागो लाफैनाय जाग्रा आदार गला, मुलि गला, आखाइजों हेबनाय एबा दानाय-लुनाय गलाफोरजों लोगोसे गेलेमुफोरखों नायगिदिडो। बे फोर्बोनि मोनसे बाहागो महरै खुंनाय गेवलां मेलआव गहाइ आलासि महरै बाहागो लानानै आसाम आइन आफादिनि बुंथिगिरि बिस्वजित देमारिआ हाबाफारियाव बाहागो लानाय रइजो-राजाफोरनि गेजेराव बेसेन गोसा बिबुंथि लाखियो। बे हाबाफारिनि लोब्यायै बान्जाय आफादिनिफ्राय गुबुन गुबुन फोथाराव खामानि मावनाय गेदेमा सुबुंफोर जेरे- सोलोंथाइगिरि, समाजआरि मावथि बिथांमोननो होनाय बान्था आरो ममेन्टखोंबो गथायनानै होयो बुंथिगिरि दैमारिआ। मख'नाय जायोदि, लकत्सभ-२०२३ खों बे बोसोराव ८ निफ्राय १० डिसेम्बरसिम खुंनाय जादों। बे बोसोरारि फोर्बोखों आदर्श युवा संघआ दरोडारि गेलेमु, गोजाम मोसानया, गामियारि संनाय-खवनाय, गामियारि हारिमु, अर्गेनि फिथाइ आरो मैंग-थाइंग दिन्थिफुंनायनि थंशिखिजों खुंनाय जायो। फरायसालिनि फरायसाफोरा बे हाबाफारिनि गेजेरजों गाव-गावनि रंगैगथि आरो मोन्दैथिजों बिगियानआरि प्रजेक्टफोर दिन्थिफुंनायखों नुनो मोन्दों। मख'नाय जायोदि, बे फोर्बोआव गुजराट, माहाराष्ट्र, झारखाण्ड, मध्य प्रदेश, कर्नाटक, राजस्टन, हरियाणा, उत्तर प्रदेश, सोनाब बंग, छत्तिसगड, उरिष्था, आसाम मनिपुर आरो हिमाचल प्रदेश रइज्योफोरनिफ्राय गोबां सुबुंफोरा बाहागो लादों। बोसोरफ़्रोमबो बे फोर्बोआव गवा आरो गुबुन रइज्योफोरनिफ्राय खमैबो २ लाखनि बांसिनि सुबुंफोरा बाहागो लायो।

## दरं-उदालगुरि लकसभा..

सोर सासेनो दोलोनि टिकेटखों होयो बेखों फैगो सभावसो मिथिनो मोनगोन। आधिखालाव जुथाय हान्जा बिजेपिनि एमपि दिलिप सइकियाआ मेल-मिथिंफोराव दोलोनि टिकेट मोनगोन होन्नै गावनो दाबि खालामबोदों। मख'नो गोनांदि, सिगांनि ८ नं मंगलदै लकसभा बियाबआव बिसोर सानैन अनगायथेबो गुबुन सासे बाराग' एमपि नारायन बरकटरनि बियाब जौगाथायनि खामानि मावनायाव बियाबनि रइजो-राजाफोर गोजोन्याय गैयै फोरमायदों। इडपिपिएल, जिएसपि आरो बिजेपि मोन्थामबो गोखों दोलो महरै बिजेपिआ देरहागोन आरो बे बिथिनिफ्राय बियाबनि रइजो-राजाफोर जौगाथायनि खामानि मावनो हनाय बिजाथिखों नागिरदों।

## दतमानि थुलुंगाफुरियाव...

फोसावदोंमोन। लोगोसे बिटिसिनिफ्रायनो २ कौटि रं होनो फोसावदोंमोन होन्नानै मन्श्रि ब्रह्मआ फोरमायनानै बिटिसिआ आधिखालाव टेन्डार आजावदों होन्नानै मिथिहोयो। बिथाड आधिखालाव बिथांनि बिफानाव थानाय ५ कौटि रॉनि खामानिखों जागायजेनगोन आरो गिबि थाडोयाव २ रोजा नायगिरिफोय जिययनो हानाय मोनसे गोदानथि सावराय न'ब्लॉजों लोगोसे मिउजियाम, बिजाब बाखिनिफ्राय जागायजेन्नानै बिफां गायनायनि अनगायथेबो गासैबो बिथिंखो गोदानै लुनानै समायना खालामनाय जागोन होन्नानै फोरमायो।

लोगोसे रइजो-राजाफोरनि मदत-हेफाजाबदों थुलुंगाफुरिखों मा बायदि्यै गायसन्दोंमोन बेनि सायाव फोरमायथिनानै सरकारनिफ्राय जेबो रोखोमनि रं लानाय जायाखे होन्नानैबो बिथाड बुडे। बिथाड एमएलए हेमेन ब्रह्मआ हेफाजाब होनाय आरो गाव एमपि जानाय समाव एमपि फान्डनि माखासे रं बाहायनाय बाश्राखोंबो फोरमायथियो। लोगोसे गिबि खेबनि थाखाय सरकारनिफ्राय गोबां रंखान्थि अन्सुंथाय मोन्नो थांगानिचो होन्ना फोरमायनानै बिथाड बड'फानि मांखसालिया नोजोर बोथावन जागोन होन्नानै मिजिंथिनाय फोरमायो।

## आलारि सोरां बिथांखिनि...

मोनसे बाखायथाव बिथांखि जागायदों। “आलारि सोरां बिथांखि’’ जागयनायनि गेजेरजों बिटिआर सरकारा धोरोमारि थानसालिफोरखों फोजैखानायनि थाखाय गामि-गामि २ लाख राडरि अन्सुंथाइ होबोनायखों नुनो मोन्दों। ब्रिटिआर सरकारनि बे आलारि सोरां बिथांखिनि गेजेरजों बड'लेण्ड हालामाव थानाय बाथों थानसालि, मन्दिर गिरां न', नामघर बायदियाव २ लाख रॉनि चेक रान्ना एसेबाबे राडरि मदद होनायखों नुनो मोन्नाय जादों। बेबायदिनो दिनेबो उदालगुरि जिल्लानि ३८ नं भैरबकुण्ड बियाबनि सिडव थानाय फुहुरापुर गामियाव थानाय दुर्गा मन्दरनि मुडव २ लाख रं होनाय जायो। बिटिआरनि लेडइ गहाइ मावफुं सोद्रोमा गबिन्द चन्द्र बसुमतारिया बाहागो लानानै २ लाख रॉनि चेक बिलाइखों गामिनि रइजो-राजाफोरनो गथायना होयो।

## मिलन बाजारआव इउपिपिएल..

फैनाय लोगो-लोगोनो जौगाथायनि खामानिया गोखैयै दावगादों। गोबां रइजो-राजाफोरनि नुजाथिनायाव खुंनाय बे जगदान हाबाफारियाव प्रमद बर'आ बुंबावोदि, आसामनि गिबि मन्श्रि ऊ हिमन्त बिश्व शर्माआ निखावरि सिमा होंखोनि सिडव थानाय नख'रपोरनि थाखाय अरन्कय बिथांखिल' नड, गोबां जौगाखां बिथांखिफोरखोंबो मावफुंबोदों। रइज्यो सरकारनि बिथांखिफोर आरो बिटिसि सरकारनि बिथांखिफोरखों बिटिसि खुंथाय रइजो-राजाफोरनिसिम लाबोनायनि खामानि मावबोदों। गावनि बिबुंथियाव बिथाड फोरमायोदि सिगांनि बिपिएफ सरकार १७ बोसोर खुंथायाव गासै गं ३९,००० ल' न' होनो हादोंमोन। बेनिनो गोबां न'फोर आद्रा जानानै दड'। नाथाय इडपिपिएल दोलॉनि सरकार ३ बोसोराव गं १,६०,०० न' लुफुंबाय।

बे जगदान हाबाफारियाव एबिएमसुनि बाराग' दैदनेगिरि आरो इडपिपिएल दोलोनि मिरु आउदिनि बाडइ सानखो सेलनि नेहाथारि नजरुल इस्लामआ गावनि बिबुंथियाव जौगाथायनि सार्थआव रइजो-राजाफोरखों इडपिपिएल दोलोयाव जगदान जानानै दोलोखों गोखों खालामनो खावलायहरो। दिनेिन बे जगदान हाबाफारियाव मिलन बाजार ओन्सोलनि कॅग्रेस, एआइइउडिएफ आरो गुबुन गुबुन राजखान्थि हान्जागिि गासै सै २०० लिबो बांसि सोद्रोमाफोरा इडपिपिएल दोलोयाव हाबफैयो। बे जगदान हाबाफारियाव बिटिसिनि मावफुं सोद्रोमा रकेश ब्रह्म, तामुलपुरनि बाराग' एमएलए चन्दि बसुमतारि, इडपिपिएल दोलॉनि मिरुनि नेहाथारि फैला बरगयारी, मिरु लाइमोन इडपिपिएलनि नेहाथारि रमित स्वरगियारी, तामुलपुर जिल्ला इडपिपिएलनि लेडइ आफादगिरि बसन्त तालुकदार, तामुलपुर जिल्ला इडपिपिएलनि गहाइ नेहाथारि गनेश नाथ, गयबारि ब्लक इडपिपिएलनि आफादगिरि नरहरि महन्त, नेहाथारि कबिन चन्द्र बसुमतारिजों लोगोसे दोलॉनि माखासे दैदनेगिरि-मावफारिफोय बाहागो लायो।

## एकल बिद्यालयनि...

कक्राझारनि साइ स्टेटिडमआव गोलाव बारनाय, खारनाय बादायलायनाय, काब्लाडै बायदि बायदि गेलेमुनि बादायलायनाय हाबाफारिया जाफुंसारै जोबलांबाय। बे गेलेमु बादायलायनायाव आसामनि दर ८ जिल्लाफोर फारियै- गवालपारा, सान्जा कार्बि आंलं, सोनाब कार्बि आंलं, नगाव, उदालगुरि, तेजपुर, कक्राझार आरो बाक्सा जिल्लानिफ्राय स १०८ फरायसुल्ना-फरायसुलिफोरा बाहागो लाफैदोंमोन। बे बादायलायनायाव देरहासार जानो हनाय गेलेगिरिफोरनो दिनें जोबथा साननि फोजोबनाय हाबाफारिनि गेजेरजों मेडेलजों लोगोसे फोरामन बिलाइ आरो देरहासार जानो हनाय हान्जाफोरनो टफ़ी रान्नाय जायो।

बान्जाय आफादिनि सोद्रोमा राहुल नार्जॉरिनि मासि लानानै दैदेन्नाय दिनेिन जोबथा हाबाफारियाव बिटिसि गेलेमु बिफाननि सेक्रेटारि निटिकानन्द हाजरिका, गसाइगाव बि.एउ फरायसालिमानि गोरारुं ऊ अजित बर', कक्राझार मिडनिस्पाल बर्दिना मासिगिरि प्रतिभा ब्रह्म, साहित्य एकादेमी बान्था मोनगिरि प्रतिमा नन्दि नार्जॉरि, एकल बिद्यालयनि माखासे गोजौ थाखेनि बिबानगिरिफोर आलासि महरै बाहागो लानानै देरहासार जानाय फरायसुल्ना-फरायसुलिफोरनो मेडेल गानहोनायजों लोगोसे फोरामन बिलाइ आरो टफ़ी गथायनानै होयो। हाबाफारियाव बाहागो लानाय साफ़्रोमबो आलासिफोरा बे गेलेमु बादायलायनाव बाहागो लाफैनाय साफ़्रोमबो फरायसाफोरखों सोलेंथाइजों लोगोसे गेलेमु आयदखोंबो समानि लांफानो थुलुंगानाय आरो बोसोन होयो।

## दुलाराय बाथौ गौथुमनि १३थे..

थुनलाइ आफादिनि लेडइ आफादगिरि प्रसन्त बर' बिथांमोननि बाहागो लानायाव गोथार बाथौ आर'ज खालामनानै गहाइ खुन्थियाखों गइसन्नाय जायो। गहाइ खुन्थिया गइसन्नाय हाबाफारियाव दुलाराय बाथौ गौथुमनि आफादगिरि खगेन्द्र' रामसियारि, गहाइ नेहाथारि गनेस दैमारि बिथांमोनजों लोगोसे रायदाव आफादिनि आफादगिरि, लोगोसे बाथौ दोहोरौम सिबियारिफोर आरो गोबां दौरि बिथां मोनहा बाहागो लाफैनायजों हाबाफारिया जाफुंसार जालाडे।

## बिटिसिनि ४० समस्टीनिफ्राय बिटिआरयाव ...

बेनि आधिखालनि थसारिनि सायाव गुवारि बिबुंथि लाखियो। आधिखालाव हरियाव बांसावग्रा सुबुडसो बांसिन जाबाय होननानै बिटिसियाव ४० समस्टीया बिटिआरयाव ६० समस्टी जानाया सिक्स सिडिउरडनि गोहो बारायनायखोंसो फोरमायो होन्नानै गुबुननि बांसावला बायनानै बुंनायखों नेउसिनानै गावनि बिबेगर्जोंसो गुसु मेलेमर्जों माहारिबादखों हमथबनानै थानो बयखोंबो खावलायो। दैदनेगिरिफोरनि जखनाव महकुमानि बेन्डेखव थनाय एबसुनि आगुनि बिबानगिरि, बर' थुनलाइ आफादिनि बाराग' बिबानगिरि, आवोफनि बाराग' आरो आधिखालनि बिबानगिरि, बाराग' बि. एल. टि, बाराग' एन. डि. एफ. बि, बाराग' भलुन्टियासं फर्स आरो आधिखालनि गुबुन-गुबुन बर' माहारियारि आफादफोरनि बिबानगिरि आरो सानसुमैफोरा मैखोमैनो बाहागो लायो। हाबाफारियावनो दुलाराय बर' फरायसा आफादिनिफ्राय फारियै लोगो आफादगिरि रोमदोन बसुमतारि, गहाइ नेहाथारि खनिन्द्र बसुमतारि, लोगो गहाइ नेहाथारि दिनेश ब्रह्म, बुंथिगिरि अबित नार्जॉरि, नेहाथारि आनान्द दैमारि, प्रिफ्तिकला बसुमतारि, सुबुं फोनाजोब नेहाथारि बिरखां नार्जॉरि, सोमदोन ब्रह्म, गेलेमु नेहाथारि गनेस बसुमतारि, बाश्रा दान्थे नेहाथारि दिपज्यति कछरी, रंखान्थि नेहाथारि सर'न्जित नार्जिनरि आरो लोगो हारिमु नेहाथारि बुदिराम बसुमतारियाबो बाहागो लानायजों लोगोसेनो ओन्सोलनि सानसुमैफोरि मैखोमै बाहागो लानायजों बर' दैदनेगिरि जखनआ मोजाडे जाफुंसार जालाडे।

## दतमायाव ग्रेनेड खुबैना गाग्लोबनाय जाथाय...

थानाय सुबुंफोरा जाब्रबथायनिफ्राय रेखा मोनो। फारसेथि बेबायदि सिनायथिनो मोनै दुथांफोरा गला मोनसेयाव ग्रेनेड खुबैहरनाय जाथायखों लानानै ओन्सोल नाडेंनो हलाइ-हाफाय, गिखांनाय थसारि सोमजियो। जाथायनि खौरं मोनाय लोगो-लोगोनो कक्राझार जिल्लानि दार्यनिगिरि दालाइनि लेडइ पुलिस बिबानगिरि पृथिवराज राजखवा आरो रैखाथि दालाइनि लेडइ पुलिस बिबानगिरि नबनिता शर्मांमोनहा जाथाय सालियाव नुजाथि फैनानै थसारिखों सामलायनायजों लोगोसे ग्रेनेडखों बोखानानै दतमा थानासिम लाबोयो। मख'नो गोनांदि, गुदि थसारियाव संदानायखों जागायनायाव कक्राझार जिल्लानि लेडइ पुलिस बिबानगिरि राजखवाया सरासनस्त्रा सुबुंफोरनि सिगाडव बेयो ग्रेनेड नड होन्ना दाबि खालामोब्लाबो बिथाड रइजो-राजाफोरखों बमा संदानगिरिनि गेजेरजों थि खालामनाय जागोन होन्नानैबो बाश्रा होयो। सान्नो गोनां बाश्राया बेनोदि, पुलिस बिफाननिफ्राय मैया दतमानि समेन सरकारनि गलायाव ग्रेनेड खुबैहरनायखों गुबुंयै ग्रेनेड नड होन्नानै दाबि खालामनायनि उनाव दिनें कमतापुर मुक्ति आफाद संदयै केएनआ खौरं बिजोडव गांसे रदाब बिबुंसार दैथायहरनानै मैया दतमा हाथायाव समेन सरकारनि गलायाव खुबैहरनाय ग्रेनेडखों गावसोर खुबैहरदों होन्ना रोखा खालामना होयो। मख'नो गोनांदि, आफादिनि फोसावदि बिफाननि सोद्रोमा हेन्सिं कचआ रदाब बिबुंसारव फोरमायनाय बायदि्यै थानाय १ डिसेम्बर, २०२३ अक्टखालि आफादिनिफ्राय रंखान्थियारि अन्सुंथाय गगिरिानानै फालांगिरि समेन सरकारनो गांसे धोन दाबिलाइ दैथाय हरदोंमोन। नाथाय आफादआ धोन गथायनायनि थाखाय थि खालामना होनाय समा बारनाय आरो जायरिख-जाया हेफाजाब होयैनि थाखाय गावसोर हेन्ड ग्रेनेड खुबैहरदें। बेबायदिनो रदाब बिबुंसारव जेब्ला फालांगिरिनाव केएनआ लुबैनाय बायदि्यै रंखान्थियारि हेफाजाब होयैब्ला बाडइ समनि गेजेराव गोखों रहा आजावना लानायनि हुमखि होयो। आफादिनि सिमान जानाय आरो पुलिसनि दाबिया रइजो-राजाफोरनि गेजेराव बायदि रोखोमनि जेंना सोमजिहोदों। सोंथि ऑंखारदों पुलिस आरो केएननि दाबि खालामनायाव सोरनि बाश्राया सैथो आरो नंखाय। बेबायदि जाथायनि खौरं लानो मन्श्रि, एमएलए आरो बंगली फेडरैसननि दैदनेगिरिफोरा जाथायसालियाव नायसंफैयो। दतमा हाथायनि फालांगिरि समेन सरकारनि गलायाव ग्रेनेड खुबैनाय जाथाय सोमजिनयानि उनावनो गिखांनाय थसारि सोमजिनय दतमायाव दिनें फुडवनो आसाम सरकारनि केबितेड मन्श्रि इडजि ब्रह्म आरो जायगानि एमएलए रबिबान नार्जारीजों लोगोसे माखासे दैदनेगिरिफोरा नुजाथि फैदों। जाथाय सालियाव नायसंफैनानै थसारिनि खौरं लाफैना मन्श्रि इडजि ब्रह्मआ खौरं बिजॉनि सिगाडव बुंदोंदि, पुलिस बिबानगिरि पुस्पराज सिंआ टेलिपनजों बे ग्रेनेडखों नंखाय होन्ना रोखा खालामना होनायनि बाश्राखों मख'नानै बिथाड सरासनस्त्रा सुबुंफोरखों गिखांडेनि थाखाय खावलायदों। बिथाड बेबायदि रोखोमानि जाथाया गोवाव बोसोर नाडे सोमजियाखैमोन होन्ना मख'नानै बिथाड जिल्ला खुंथायखों थाबैनो जाय बे खामानिखों सोमजिहोदों बेखों हमनो खावलायदों। बिथाड गोजोन थसारिखों सिमफायनो नागिरिनाय रवबो सुबुंखों निमाहा होनाय नड होन्ना मिबथिहोन्नानै रइजो-राजाफोरा अजद होनाय बायदि्यै पुलिसआ माव बिबानखों फालिया होन्नायखों नेवसिनानै बुंदोंदि, जेराव गोजोन- थसारिया दड बेयाव पुलिसनि गोखों नायसंनाय रहानि गोनांथि गैया। जेराव रइजो-राजाफोरा जोबोद गोखों नायसडेब्ला गोजोन मोना होन्नानैबो मन्श्रि ब्रह्मआ बुडे। गुबुन फारसे जाथायसालियाव फैनानै एमएलए रबिबान नार्जारीआ ग्रेनेड खुबैहरनाय जाथायखों मानो खालामदों, सोर खालामदों, बेनि सायाव रोखा संदानांगो होन्ना मख'नानै बेबायदिने ग्रेनेड खुबैना गाग्लोबनाय जाथाया गोरलै बाश्रा नड होन्ना दाबि खालामदों। बिथाड बेबायदि ग्रेनेड खुबैहरना गाग्लोबनो नाजानायनि थंशिखा बुथारनो नाजानायानो जागोन होन्ना मख'नानै बिथाड सोर आफादआ बेजों लोब्ला दड बेनि सायाव संदानानै गात्रि गोहोखों उदां खालामनो पुलिस खुंथायनिसिम दाबि खालामो। बिथाड रइजो-राजाफोर आरो पुलिसनि बिबुंथिखों गोरोबाखे होन्ना मख'नानै सरकारआ गोजोन थसारि सो

# फावखुंग्रि रति अग्निहत्रिनि बिफाया रतिखौ फावखुंग्रि जाजानो हास्थायामोन

हिन्दी सावथुन मुलुगनि आगु समनि साबसिन आरो समायना फावखुंग्रिफोरनि बाध्रा सावरायोब्ला रति अग्निहत्रिनि मुखौ गोसोखानाय जायो। बे जाहोनावनो दिनैसिमबो बिखौ स्क्रीनआव सुबुंफोर नायनो मोजा मोनो। नाथाय रति अग्निहत्रिनि थाखाय बे दावबायनाया एसेबां गोलें नडामोन। मख 'नो गोनांदि, रतिनि बिफाया बिनि एक्टि आरो सावथुनफोराव फाव खालामनायखौ हँथा होयोमोन। बियो रावबो अग्निहत्रि नख 'रति फिसाजोआ सावथुनफोराव फाव खालामनो मोना होन्नानै रोखा खालामदों मोन। रति



अग्निहत्रिआ कलेजनि समाव ड्रामा खालामदों मोन आरो बेवहायनो सानसे खालि बिथोनगिरि भारति राजानि

नोजोरआ बिनि सायाव गोलैयो। जायनि उनाव रतिखौ नागिरो आरो सावथुननि अफार होयो। सानसेखालि जेब्ला रति अग्निहत्रिनि न'आव फन फैयो अब्ला फनखौ रतिनि बिफाया हमो आरो सावथुननि मुं खोनानाय लो गो लो गोनो रगा

जोखडे। बियो गावनि नख 'रति फिसाजोफोरखौ माब्लाबाबो सावथुनआव फाव खालामजानो हास्थायखौमोन। जाय समाव रति अग्निहत्रिनिआव सावथुननि अफार फैयो बै समाव रतिआ बेवहायनो माखासे मोजां खामानि मावलां जानो

हास्थायोमोन। नाथाय जेब्ला रति अग्निहत्रिआ बेनि सोमोन्दे मिथयो अब्ला बियो गावनि बिफाखौ जोबोद गोब्रा। बै गनायहोदोंमोन। बियो सुथि समाव माखासे आलादा खालामनो गोसो जायो होन्नानै बुंदोंमोन। नाथाय बै समाव बिनि थाखाय मोनसे आलादा मुलुगआ बिखौ नेनानै दडमोन। हिन्दी सावथुनफोराव डेब्यु खालामनायनि सिगां रतिआ साउथनि माखासे सावथुनफोराव फाव खालामदों। नाथाय बिनि खाफालआ 1981 आव रिलीज जानाय एक दुजे के लि एजों गोवदों मोन। बे सावथुनआव बिखौ कमल हासानजों नुनो मोन्दोंमोन। बे सावथुनआ बिखौ हरजों हर सुपारस्टर खालामदोंमोन।

## प्रेम चप्राया गावनि जुलिनि माखासे बाध्रा फोरमायदों



50 बोसोरवा गसै 400 सावथुनफोराव गावनि फाव खालामनायनि थाखाय मोनथिजानाय फावखुंग्रि प्रेम चप्राखौ बावैसो समाव ब्लकबास्टर सावथुन 'एनिमेल'आव नुनो मोन्दोंमोन। फावखुंग्रिआ राजेश खानानि सावथुनफोर जैरे डलि, उपकार आरो द'रस्तेयाव बिलेननि फाव खालामनायनि थाखाय मुंदांखा जानो हादों। मोनसे गोदान इन्टरभिडआव बियो गावनि जुलिजों सोमोन्दो गोनां जाथाइखौ गोसोखांदों। 1969 आव प्रेम चप्राया उमाजों जुलि जादों, जाय फावखुंग्रि रज कापुरनि बिसि कृष्णानि बिनानाव। पडकास्ट टाइमआउट विद अंकिताव प्रेमआ बुंदों, कृष्णानि (रज कापुरनि बिसि) आ गावनि सोमोन्दे हौवाया माबायदि होन्ना सोंदोंमोन। जेरव सुबुंफोर मोजां आरो बिनि इथुनआ गोबां मोजां होन्ना बुडे। बेनि उनावसो रज कापुरआ गावखौ लो गो हमदों आरो बियो गोबां मोजां सिख्ला, बिनि सोमोन्दे सान होनना बुंदोंमोन। बिनि फिन्नायाव गावबो धारैनो बिनि सोमोन्दे सानगोन होनना बुंदोंमोन। मुंदांखा फावखुंग्रिआ फोरमायबावदोंदि, गाव पन्डितखौ एमिनिटआवनो जुलिखौ फोजेबनो सांग्रानि होदोंमोन। मख 'नो गोनांदि, प्रेम चप्रायि साथाम फिसाजोफोर रतिका, पुनिता, प्रेरणा दड। प्रेम चप्रायि फिसाजो देरसिन रतिकाय सिक्कन राइटर आरो पाब्लिसिटी डिजाइनर राहुल नन्डाजों जुलि जादों। नैथि फिसाजो पुनिताया देखोगिरि आरो टिपिनि फावखुंग्रि भिकास भल्लाजों जुलि जादों। प्रेम चप्रायि उथि आरो बयनिखुइ उन्दैसिन फिसाजो प्रेरणाया बलिउडनि फावखुंग्रि शरमन जशिजों जुलि जादों।

## शत्रुघ्न सिन्हाआ मोनसे समाव रिना रयखौ सावथुनआव गावनि हिइडन जानायखौ हास्थायामोन

हिन्दी सावथुनआ रिनि अनगायै माखासे नंगुबै मोजां मोनलायनायनि सल 'फोरनि साखिबो जादों। बेवहाय अमिताभ-रेखानिफ्राय लानानै एश्वर्य-सलमाननि मुडबो थाफादेरो। बेबादिनो मोनसे लाभ स्टरिआ रिना रय आरो शत्रुघ्न सिन्हानि गेजेरवबो जादों, जायफोर लो गोसेयै गोबां सावथुनफोराव फाव खालामदों आरो एफेयारखौ लानानै गोबां खौराडव थादों। नाथाय मोनसे बाध्राया बेबोदि, जागायजेन्नायाव बियो रिना रयजों फाव खालामनो हास्थायखौमोन। बे जाथाया बै समनि, जेब्ला रिना रयआ सावथुन मुलुगआव आगान होखाबायमोन। बिखौ शत्रुघ्न सिन्हानि अपजिटआव सावथुन कालिचरणआव मुंसाइ होदोंमोन। नाथाय बै समाव शत्रुघ्नआ रिनि सोमोन्दे जेबो मिथियामोन। सावथुनखौ सुभाष घाइआ बिथोन होदोंमोन। बेबादिआव जेब्ला बियो रिनाखौ शत्रुघ्नखौ



सिनायथि होयो अब्ला बियो गिबि नुजेन्नायाव रिनाखौ एसेबो मोजां मोनाखैमोन आरो बिखौ सावथुननिफ्राय बोखारजानो हास्थायदोंमोन। नाथाय सुभाष घाइआ मानियाखैमोन। गिबि नुजेन्नायाव बियो रिनाखौ एसेबो मोजां मोनाखैमोनब्ला गुबुन फासै माखासे सावथुनफोरनि उनाव बिसोर सानैनि गेजेरव मोजां मोनलायनायनि एरैबादि सोमोन्दोआ सोमजिखाडोदि, उनाव बिसोरनि मुडा खौरांफोरनि बाहागो जानानै थादोंमोन। बिसोर सानैआ 7 बोसोर सिरि-सिरियै डेट खालामदोंमोन। नाथाय माब्लाबाबो बेनि सोमोन्दे

बिसोर उदाडै फोरमायाखै। नाथाय बै समाव जेब्ला बिसोर सानैनि मुडा सरजाबदोंमोन अब्ला शत्रुघ्न सिन्हाआ पुनमजों जुलि जानानै साफ्रोमखौबो गोमोहोदोंमोन आरो बेजों रिना रयआ गोबां दुखु मोन्दोंमोन। 1980 आव जुलि जानायनि उनाव पुनमआ मोनसे इन्टरभिडआव रिना आरो शत्रुघ्ननि एफेयारखौ रोखा खालामदोंमोन आरो बिसोर सानैआ जुलिनि उनावबो सोमोन्दोआव थादोंमोन। नाथाय पुनम सिन्हाआ फिसाइनि सायाव फोथायनाय आरो अनन्यायखौ बाइड जाहोयाखैमोन आरो आथिखालाव बिसोर गोजोनै संसार जायो।

# गाहाम देहानि राहा

## दावदैजों लो गोसे माखासे मुवा-बेसादफोरखौ जानाया गाहाम नडा

दावदैखौ प्रटिननि मोजां फुंखा होन्ना मानिनाय जायो, बेयो देहाखौ फीट लाखिनो थाखाय गोबां मुलाम्फा गोनं जायो आरो गोबां सुबुंफोर बेखौ पुंनि समाव जायो, जायजों देहाया फीट थायो आरो जेबो रोखोमनि बेरामफोर जानो हाया। नाथाय माखासे सुबुंफोर दावदैजों लो गोसे



गोबां मुवा-बेसादखौ जायो, जाय देहायाव खहा लाबोनो हागौ।

(1) सया मिल्क आरो दावदैखौ लो गोसेयै जानाया देहानि थाखाय गाहाम नडा। जुदि नोंथाड बेखौ लो गोसेयै जायोब्ला नोंथानि उदैआ गाजि जायो आरो माखासे जेंनाफोरजोंबो मोगा-



मोगि जानानो हागौ।

(2) साहाजों लो गोसे दावदै जानायाबो गोरोबा। बेखौ लो गोसेयै जानायजों देहाया गाजि जायो। बे मोननैखौ लो गोसेयै जानायजों गेस आरो एसिडिटीनि जेंना जायो।

(3) वेदर हानाय आरो दावदैखौबो लो गोसेयै जानाया गाहाम नडा, बेयो दोगोन जानायाव गोबां जेंना सोमजिहोयो। बेजों देहायाव

मेजेमआबो गोबां बिबाइव बाडे।

(4) दावदै आरो सिनिखौ लो गोसेयै जानो नाड। बेजों उदैआव गोबां खहा होयो। बेखौ जानायजों थैनि जेंना सोमजियो, जायजों देहायाव गोबां खहा जायो।

(5) दावदै आरो थालिरखौ लो गोसेयै जानाया



गाहाम नडा। मानोना बेखौ लो गोसेयै जानायजों दोगोन खालामनायाव गोबाव सम नाडे, बेनिखायनो बेखौ लो गोसेयै जानो नाड। दावदैआव गोबां प्रटिनफोर थायो आरो थालिरआव पेटिसियामआ गोबां थायो।



## डिम्पल कापाडियाआ सुपारस्टर राजेश खान्नानि गिबि मोजां मोन्नाय नडामोन



सुपारस्टर राजेश खान्नाआ गावनि मोजां सावथुनफोरनि अनगायै गावनि सोमोन्दोफोरनि थाखायबो गोबां खौराडव थाबोदों। राजेश खान्नाआ गावनि जिउखौ मोजां रोखोमै बारहोबोदों। गावनि सावथुनफोरनि अनगायै राजेश खान्नाया गोबां फावखुंग्रिफोरजों लो गोसे गावनि सोमोन्दोफोरखौ लानानैबो बै समाव गोबां खौराडव थादों मोन। आथिखालाव बियो बलिउडनि मुंदांखा फावखुंग्रि डिम्पल कापाडियाजों जुलि जाबाय। नाथाय बै समाव अन्नु महेन्दुजों लो गोसे बिनि ब्रेकआपआ गोबां

दावराव-दावसि सोमजि होदोंमोन। 80 जौथायाव राजेश खान्ना आरो अन्नु महेन्दुआ लाभबाईमोन आरो सुबुंफोर बिसोर सानैखौ लो गोसेयै थागोन होन्नानै बुंदोंमोन। मख 'नो गोनांदि, अन्नु महेन्दुआ भारतीय फावखुंग्रि, मडेल आरो फेसन डिजाइनर। जेब्ला अन्नुआ स्टूगल खालामदोंमोन, अब्ला राजेश खान्नाया सुपारस्टरमोन। बिसोर सानैआ माबोरे लो गो मोनलाया बेनि सोमोन्दे बांद्राय खौरां मोन्नाय जायाखै, नाथाय बिसोर सानैनि मोजां मोनलायनायनि सल 'आ गोबां

मुंदांखा जादों। फोरमायनाय बादिब्ला, अन्नुआ सासे डेडिकेटेड गार्ल्फ्रेंडमोन आरो राजेश खान्नाजों लो गोसे बियो 1966 निफ्राय 1972 सिम एबा 7 बोसोर लिभ इन रिलेसनसिपआव थादों। बिसोरनि थासारिआ 1971 सिमआव सोलायो, जेब्ला अन्नुआ वेस्ट इन्डिजनि क्रिकेटर गेरि सबसैजों डेटि खालामनायनि बाध्राया गोसारो। बेखौ राजेश खान्नाआ गोबां रागा जोंदों मोन। फोरमायनाय बादिब्ला, राजेश खान्नानि अन्नुजों जुलिनि थांखि लानायनि उनाव थासारिआ सोलायो। अन्नुनि बिमाया राजेश खान्नाखौ थाबै नो फिसाजोखौ जुलि लाजानो हास्थायोमोन। बेरफासै राजेश खान्नाआबो बेबादिनो हास्थायदोंमोन। नाथाय अन्नुनि लानिथियै जुलि लानो नेवसिगारनायनि जाहोनाव 1972 आव राजेशआ बिजों सोमोन्दोखौ सिफायदोंमोन।

## गुटखा एडनि बिथिडव शाहरुख, अक्षय कुमार आरो अजय देभगाननो कर्टआ नटिस दैथाइ हरदों

मिरु सरकारआ लाजिनां थाव अजदलाइनि फिन्नाय होन्नानै इलाहाबाद कर्टनि लक्षनौ पिठनो मोनथिहोदोंदि, फावखुंग्रि अक्षय कुमार, शाहरुख खान आरो अजय देभगानखौ गुटखाल कम्पनीफोरनि थाखाय लानाय फोसावदिंफोरनि सोमोन्दोआव नटिस फोसावदों। मिरुनि उकिलआ शसुक्रबारखालि हां कर्टनो मोनथिहोदोंदि, बे बिथिडवनो



सुप्रिम कर्टआबो हेयारि होदों आरो बेबायदियाव थाबै नो अजदलाइखौ बोखारना होनांगौ। दलिलखौ सायख'नायनि उनाव पिठआ हेयारिखौ 2024 नि 9

मेनि थाखाय थि खालांदों। बिजिरगिरि राजेश सिं चौहाननि पिठआ गिबियाव मिरु सरकारनो अजदलाइनि हाबाफारिफोरनि सायाव थांखि

लानो बिथोन होदोंमोन, जाय जरखा महरै आरगुमेन्ट होदोंमोनदि, बै फावखुंग्रिफोर आरो सुबुंफोरनि हँथायै नायबिजिरनांगौ, जायफोरनो हाइ प्रफाइलनि एवार्ड होदोंमोन। नाथाय बिसोर गुटखा कम्पनीफोरनि थाखाय फोसावदिं खालामदोंमोन। आथिखालाव अजद थिसनिगिरिफोरा हेयारिनि समाव बुंदोंदि, 22 अक्टबरखालि बे फावखुंग्रिफोरनि फारसेनिफ्राय

सरकारनि सिगाडव सुबुंफोर गावनि बाध्राखौ बुंदों, नाथाय बे बिथिडव जेबो अजदलाइनि सायाव हेयारि होन्नानै हाइ कर्टआ मिरु सरकारनि केबिनेट सेक्रेटारिनो नटिस दैथाइहरदोंमोन। शुकृबारखालि डिप्टी सलिसिटर जेनरेल एसबि पान्डेआ हाइ कर्टनो फोरमायदोंदि, मिरुआ अक्षय कुमार, शाहरुख खान आरो अजय देभगाननो जाहोन फोरमाय होनना नटिस फोसावदों।

## जया आख्तरआ नेपटिज्मनि सायाव फिन्नाय होदों

बिथोनगिरि जया आख्तरआ गावनि बावैसो समाव रिलीज जानाय सावथुन दा आर्चिजनि थाखाय शाहरुख खाननि फिसाजो सुहाना खान, बनि कापुरनि फिसाजो खुशि कापुर आरो अमिताभ बच्चननि फिसौज्ता आगसत्य नन्दानि कास्टिनि सायाव रैखाथि होदों। जेब्लानिफ्राय बे प्रजेक्टखौ फोसावनाय जादों मोन अब्लानिफ्रायनो नेपटिज्मखौ

लानानै लानिथियै दान्थे-बिदान्थे जानाया सोलिदोंमोन। नेपटिज्मनि बे दावराव-दावसिआव आथिखालाव जया आख्तरआबो गावनि फासै बाध्रा बुंदों। दा जगरनटजों लो गोसे मोनसे इन्टरभिडआव जेब्ला जया आख्तरनियाव नेपटिज्मनि दान्थे-बिदान्थेनि सोमोन्दे सौथि सौनाय जायो अब्ला बिथोनगिरिआ बुडे, गाव बे दान्थे-बिदान्थेखौ जेबो गैजायै सुबुंफोरनि सोमोन्दे



सानो। गाव बे नंगुबै बाध्रानि सायाव फ्रास्टेसनखौ आबुडै बुजियोदि, नोंथाड बै थासारिखौ

मोनो हायाखै, जायखौ माखासे सुबुंफोर गोलैयैनो मोनो हायो। बेयो मोनसे सावरायथाव बाध्रा

जानांगौ। साफ्रोमबोनि समान रोखोमनि सोलैथाय, साखिनि खाबु बायदिआ गोनांथाय जायो, नाथाय जेब्ला नोंथाड सुहाना खानआ आनि सावथुनआव थानाडामोन होनोब्ला बेयो सरसन्ना बाध्रा जागोन, मानोना बेजों नोंथानि जिउआव सोलायनाया फेन्नाय नडा। नोंथाड गावनि जिउआव मा सोलायनाय फेगोन बेनि सोमोन्देसो बाध्रा सावरायनांगौ।

## शुभमन गिल-सारा तेन्दुलकारनिफ्राय लानानै सनाक्षि-जहिर इकबालनि डेटिनि बाध्राया खौराडव थायो

गोदान बोसोरआ फेगासिनो दड। 2024

खौ बरायनो थाखाय थियारिफोरा सोलिदों। गोजाम बोसोरखौबो गोसोखानाय जादों। बे बोसोरव बलिउडनि गोबां स्टाफोरा गाव-गावनि रिलेसनसिपखौ लानानै खौराडव थादों। बिसोरनि डेटिआ खौरांफोराव थादों। बेवहाय सनाक्षि सिन्हानिफ्राय लानानै आनान्या पान्डेनि मुडबो दंफायो। क्रिकेटर शुभमन गिल आरो मास्टर ब्लास्टर सचिन तेन्दुलकारनि फिसाजो सारा तेन्दुलकारनि मुंखौ गोबां सरजाबनाय जादों। कफि उइथ करणआव सारा आली खानआबो बुंदोंमोनदि, गाव बै सार नडा, जाय शुभमनखौ डेट कालामदों। मख 'नो गोनांदि, समसम मेचनि समाव सारा तेन्दुलकारखौ शुभमननि बल्लेबाजिखौ हेफाजाव होनायबो नुनो मोनो। बे फारिलाइआव गुबुन मोनसे मुड आनान्या पान्डे आरो आदित्य रय कापुर। जायफोरखौ गोबां इभेन्टफोराव लो गोसेयै नुनो मोन्दों। कफि उइथ करणआव सारा आरो



आनान्याआबो बेनि इसार होदों। आदित्यजों बिसोर सानैनि भेकेसन सावगारनि सायाव सौथि सौनायाव बियो बुंदों, गाव ससेल मिडियाआव बांद्राय एक्टिभ थाया, नाथाय बेनि सोमोन्दे गाव खोनारदों। सनाक्षि सिन्हानि जोनोम सानआव जहिर इकबालआ गावनि ससेल मिडिया हेन्डलआव मोनसे भिडिआ शेयार खालामदोंमोन। बेनि अनगायैबो आलादा-आलादा खाबुफोराव बे जराखौ नुनो मोनखांबाय। बेनिखायनो बोसोरनाडै बिसोरनि खौराडा गोसारनानै थादोंमोन।

# बोथोर बिफानआ माखासे राइज्यो- फोरनि थाखाय एलार्ट फोसावदों

**गोदान दिल्ली, 10 डिसेम्बर:** दिल्ली-एनसिआरयाव गुसु बारजों लोगोसे गुसु मोन्दांनाया बांगासिनो दड'. सित गोगलैनायनि जाहोनाव बिदुडवबो दावखलायनायखौ दिखानो मोन्नाय जादों। बिफाननि बायदिव्ला, सान्जा बांग्लादेश आरो बेजों लोब्ला गोनां ओन्सोलफोराव मोनसे चक्रवाती बारनि ओन्सेल सोमजिदों। 11 डिसेम्बरनिफ्राय मोनसे लोरबां सोनाब नारसिन्हाया सोनाब हिमालयखौ गोहोम खोखलैगोन। खोला राइज्योफोराव थानाय 24 घन्टायाव केरेला आरो त। फिमलनाडु, य। व सरासननानिफ्राय गेजेर थाखोनि अखा हानायजों लोगोसे माखासे जायगाफोराव गोबां अखा हायो। बेनि अनगायै केरेला, बेरियारि कर्नाटक, तामिलनाडु, लक्षद्वीप, रायलसिमा आरो नागालेन्डयाव 9 डिसेम्बरखालि




सरासननानिफ्राय गेजेर थाखोनि अखा हायो। बिफानआ 10 आरो 11 डिसेम्बरव दरबा राइज्योफोरनि आलादा-आलादा ओन्सोलफोराव खुवा खुनायनि एलार्ट फोसावदों। फारसेथिं सान्जा उत्तर प्रदेशनि आलादा-आलादा बाहागोफोराव जोबोद रोजा खुवा खुयो आरो बिहारनि माखासे बाहागोफोराव रोजा खुवा सागलोबो। आइएमडिनि मोनसे बिबुंधिनि बायदिव्ला,

10 आरो 11 डिसेम्बरव सा मध्य प्रदेश, लेडाइ हिमालयनि सोनाब बंग, सिक्किम, आसाम आरो मेघालयनि आलादा-आलादा बाहागोफोराव फुनि समाव रोजा खुवा सागलोबो आरो सा-सान्जा भारतयाव गेजेरनिफ्राय रोजा खुवा सागलोबो हागौ। फेगौ 12 डिसेम्बरव सोनाब बंग आरो सिक्किमनि आलादा-आलादा

जायगाफोराव सार-अन्थाइबो गोगलैनो हागौ। बेजों लोगोसे बोथोर बिफानआ थानाय माखासे सानफोराव तामिलनाडु आरो अन्ध्र प्रदेश राइज्योफोरखौ फोजोबसंग्रा चक्रवात बारहुंखा मिचौआ आधिखालाव लोरबां जाबाय आरो झारखान्डयाव खम नारसिन्हाइ ओन्सोलाव सोलायबाय होन्ना खौरां होदों।

# आडानि ग्रुपआ 29 मिलियन बिफां फुलि गायबाय

**गोदान दिल्ली, 10 डिसेम्बर:** बुहुमाव बिफां-लाइफांफोरा गोबां खम जाबोबाय। जाउनाव जौनि इयुनि थाखाय बिफां गायनांगौआ गोनांथार जानानै फेदों। वर्ल्ड इकनमिक फरमनि 2030 सिम 1 ट्रिलियन बिफां गायनायनि थांखि लानाय बादियै आडानी ग्रुपआ दासिमाव 29 मिलियन बिफां फुलि गायखांबाय। बेखौ लानानै मोनसे सशेल मिडिया परस्ट्याव आडानी ग्रुपनि चयारमेन गौतम आडानीआ बुंदोंदि, सोलिफु 10 बोसोरारिआ जोबनायथिं मिशनआव बिहोमा होनायनि थाखाय 100 मिलियन बिफां गायनायनि गावसोरआ थांखि लानाय दड। गौतम आडानीआ फोरमायदोंदि, गावसोरनि थांखिआ भारतनि बोरिमाफोराव 37 मिलियन मंगभ बिफां आरो 63 मिलियन इन्टारनेसनेल बिफां गायनायनिबो थांखि लानाय दड। गौतम आडानीआ एक्सआव टुइट खालामना बुंदों बेखौ सेयार खालामनायाव



गोजोनाय मोन्दोंदि, आडानी ग्रुपआ वर्ल्ड इकनमिक फरमनि ट्रिलियन ट्रि कम्प्युनिटी प्लेटफर्म आरो 2030 सिम 1 ट्रिलियन बिफां गोनांथिखौ हेफाजाब होनानै गावनि जारिमिनारि सतबांसाखौ गोहोम गोनां खालामनायखौ सोलिहोदों। मुलुगनां थाखोआव बबेबा करपरेटआ बयनिखुइबो मख'जाथावसिन सतबांसा लानायफोरनि गेजेराव बेयो

मोनसे। आडानी ग्रुपआ उत्तराखान्डआव सिमेन्ट प्लन्टफोरनि गाहोखौ बांहोने आरो स्मार्ट इलेक्ट्रिक मिटर लागायनायाव 2,500 कौटि रॉनि बांसिन इन्भेस्ट खालामगोन। आडार्न ग्रुपनि डायरेक्टर प्रणभ आडानीआ बे खौरांखौ मिबथिहोदों। बिथाडा उत्तराखान्डआव ग्लबेल इन्भेस्टर्स सामिठ्याव बुडोंदि, ग्रुपनि सिटी गेस इन्डास्ट्री

आ 200 राइज्यो हान्था-मेला फालांगिफोरखौ आबहावानि थाखाय बा-जायजाथाव सिएनजिआव सोलायहोगोन। फारसेथिं आडानी ग्रुपआ मुलुगनि देरसिन ग्रीन एनार्जी फार्क बानायनो थांगासिनो। बे प्रजेक्टआ रिन्त्युएबोल एनार्जिआव भारतनि गोहोम गोनां जौगाखांनायाव गाहाइ बिफाव लागोन।

# रमनि गंसे देहा फाहामसालिआव अर नांनाय जाथायजों सा 4 सुबुंनि जिउ गोमादों

**रम, 10 डिसेम्बर:** रमनि टिभलीआव सैन जियबानी इभेन्जेलिस्टा देहा फाहामसालिनि गोथै सह दोनग्रा न' साखाथियाव गिखंथाव अर नांनाय जाथायजों सुबुंफोरनि जिउ गोमादों। अर नांनायनि खौरां मोन्नायनि उनाव रैखाथि मावसुमाफोरा 200 नि बांसिन सुबुंफोरखौ रैखाथियै दिहन्तो हायो। बे अरआ गोथै सह दोनग्रा न', क्लिनिक आरो ओंखाम संग्रा कथानि गेजेराव गाहायनि थालाआव नांदोंमोन। अरआ एरैबादि गोख्रैयें गोसारदोंदि, गोजौनि थालायाव थानाय इमारजेन्सि खथायावबो

गोसारो। बे जात्रथायाव सा 4 सुबुंफोरनि जिउ गोमायो, जायनि सानैआ उखुन्दैआव हां लानो हायैनि जाहोनाव जादों। सासेआ हार्ट एटकट जानानै जिउ गोमादों आरो गुबुन सासेआ अर खामनानै जिउ गोमायो आरो फायार ब्रिदेडनि बादिव्ला, अर नांनायनि उनाव गोथै दोनग्रा न'आव दोन्नाय माखासे गोथैसहफोरावो खामो। देहा पाहामसालिआव अर नांनायनिफ्राय रैखा खालामनो मोन्नाय सुबुंफोरनि गेजेराव सा 7 उन्दै गथ'फोर आरो माखासे गोलेँ गथ'फोरबो दंफायो। खौरां मोन्नाय बादिव्ला, बे अर नांनाय



जाथायाव रैखाथियै दिहन्तो हानायफोरनि सा 134 सुबुंफोरखौ साखाथिनि गुबुन देहा फाहामसालिफोराव लांनाय

जायो। इमारजेन्सि खथायाव फाहामथाय लानो नेनानै थाहैनय जाथायखौ नुग्राफोर फोरसायनाय बादिव्ला, अर नांनाय लोगो लोगो

मोब्लिबआ थाडे आरो अरआबो जोबोद गोख्रैयै गासै उडंआवनो गोसारो। सुलुनि बादिव्ला, फायार ब्रिगेडनि सासे बुंथिगिरिआ बुंदों, बिल्डिनि भायारि आरो बैयाव दोन्नाय माखासे रासायननि जाहोनाव अर जोंखादों जानो हागौ। अर खोमोस्रा हान्जानि गोख्रों नाजाथाबनायनि गेजेरजों 5 घन्टानि उनाव अरखौ आबुडै लुखोमोस्रो हायो।

**वाशिंग्टन, 10 डिसेम्बर:** इउएसए आरो कानाडायाव साल्मनेलानि गोहोमाव सा 8 सुबुंफोरनि जिउ गोमादों। देहा एजेन्सिफोरनि बादिव्ला, साल्मनेला इन्फेक्सननि फुंखाया कान्टालप, जाय दरनैबो हादरआव देहायारि खैफोद सोमजिखांहोदों। बेराम सामलायग्रा आरो होबथाग्रा मिरु (सिडिसि) अ सुबुंफोरनो सांग्रांथि होदोंदि, जाहाथे बिसोरो मेलचिटा एबा रुडि ब्रान्डनि कान्टालप एबा जाथोसे जोगोनादखौ जाया। सिडिसिआ गावनि वेबसाइटआव बुंदों, बै ब्रान्डफोरनि कान्टालपखौ बाहायदों ना बाहायाखै बेखौ मिथियाव्ला, सिगाडावनो हाखावनानै दोन्नाय कान्टालपखौ जानो नाडा। सिडिसिनि बादिव्ला, इउएसएआव गासै दर 38 राइज्योफोराव सा 230 सुबुंफोर



बेरामआव गोगलैनां दड। बिसोरो गुबुन गुबुन गं 96 फाहामसालिफोराव थिसनजानानै दड आरो सा 3 सुबुंनि जिउ गोमाबाय। बिबिदो कानाडांनि पाब्लिक हेल्थ एजेन्सिआबो बुंदोंदि, हादरआव कान्टालपजों लोब्ला गोनां साल्मनेलानि गोहोमनि जाहोनाव सा 5 जिउ गोमाबाय। साल्मनेला बेक्टेरियानि जाहोनाव मोदोम दुंखावनाय, खि गोर जानाय, उदैआव एन्टन जानो हमो। बेक्टेरियानिफ्राय जानाय इन्फेक्सनआ माखासे केसआव गिखंथाव जानो हागौ, जर'खायै उन्दैफोर आरो लोरबां इम्युनिटि

सिस्टेमनि सुबुंफोरनाव बांसिन खैफोद दड। सिडिसिआ सुबुंफोरनो बोसोन होदोंदि, बिसोरनि खोरबाया साल्मनेलानि लोखोनजों धुगिनांदोंब्ला थाबैनो मेडिकेल केयार लानो जागायनाया गोनां। सिडिसिनि मावख'यारि वेबसाइटनि बादिव्ला, लोखोनआ सरासन्हायै इन्फेक्सन जानायनि 6 घन्टानिफ्राय लानानै 6 सानसिमआव नुजाथियो आरो 4-7 सानसिम थायो। बेनि जाहोनाव इउएसएआव बोसोरफ्रोमबो 1.35 मिलियन इन्फेक्सन केस नुजाथियो।

# हमासनि उतखारिफोरा गाजानिफ्राय सुबुंथिनि मददखौ खावनानै लानायनि अजद होदों इजराइल सान्थिआ

**तेल अभिभ, 10 डिसेम्बर:** गाजायाव सोलिबाय थानाय दावहानि गेजेराव इजराइल सान्थिआ हमासनि सायाव गिदिर दाय जाबसिन्दों। इजराइल रैखाथि हान्जा (आइडिएफ) आ हमास उतखारिफोरनि सायाव नोगोरारिफोरखौ इनाय-अनागारे बुगिलनाय आरो गाजाखौ हारिमायारि आफादफोरनिफ्राय मोनो गोनां सुबुंथिनि मददखौ खावनानै लानायनि दाय जाबसिन्दों। आइडिएफआ बुंदों, हमासआ गाजानि सुबुंफोरनो दैथायहरनाय रांखान्थियायि मददखौ गावनि उतखारि थांखिफोरनि थाखाय दोनथुमदों। बेजों लोब्ला थानाय मोनसे भिडिअबो शेयार खालामदों आइडिएफआ। एक्सआव शेयार खालामनाय आइडिएफनि भिडिअआव माखासे




उतखारिखौ गोनांथार मुवा-बेसाद लानानै थानायबो नुनो मोन्दों। इजराइल सान्थिआ एक्सआव लिरदोंदि, हमास उतखारिफोरा नोगोरारिफोरखौ बुगिलदों आरो इजराइलआ हारिमायारि आफादफोरनिफ्राय

मोन्तो हानाय सुबुंथियायि मददखौबो खावनानै लांदों। हमासआ गाजानि थाखाय दैथायहरनाय गोनांथि मुवाफोरखौ गावनि उतखारि हाबायाव बाहायनो थिनानै लाखिदों। बेनि सिगांनो

आइडिएफआ बुंदोंमोनदि, हमासनि उतखारिफोरा बेत हनौनआव फरायसालि आरो गंसे मसजिदआव दखल खालामनानै थादों आरो बेखौ बिसोरो आइडिएफनि सायाव गुलि गावनायाव बाहायदों।

# 10 डिसेम्बरआव हारिमायारि सुबुं मोन्थाइ सान फालिनाय जायो

**गोदान दिल्ली, 10 डिसेम्बर:** सुबुं मोन्थाइ सरैखाथिनि बिथिडवाव 10 डिसेम्बरनि सानखौ जरखायै मख'जाथाव। इउएनआ 1950 नि 10 डिसेम्बरव सुबुं मोन्थाइ सानखौ फोसावदोंमोन। जायनि थांखिआ मुलुगनाडै नि सुबुंफोरनो सुबुं मोन्थाइफोरनि बागै सांग्रां खालामनाय आरो बेनि फारसे खौरां होनाय। हादतया मुलुगनि जारिमिनाव 10 डिसेम्बरनि अक्टआव दिखां जानाय माखासे गुबुन मख'जाथाव जाथाइफोरखौ गाहायाव सावरयनाय जाबाय।



(1) थानाय 1878 नि 10 डिसेम्बरव जामिया मिल्लिया इस्लामियानि गायसनगिरिफोरनि गेजेराव सासे महम्मद आलि जौहरआ रामपुराव जोनोम जादोंमोन। (2) 1878 माइथायनि बे सानावनो चक्रवार्ती राजगपालाचारीनि जोनोम जादोंमोन। (3) 1896 माइथायनि 10 डिसेम्बरव नबेल बान्थाखौ फसंग्रा एल्फ्रेड बर्नहार्ड नबेलआ रूसारि जायो।

(4) 1898 माइथायनि 10 डिसेम्बरव पेरिस गोरोबथाया उनाव स्पेन-आमेरिकानि दावहाया जोबो। (5) 1902 माइथायनि बे सानाव तस्मारियाआव आइजोफोरा भट होनायनि मोन्थाइ मोनो। (6) 1950 माइथायनि 10 इउएनआ हारिमायारि सुबुं मोन्थाइ सानखौ फोसावयो। (7) 1992 नि 10 डिसेम्बरव गुजरातयाव हादतनि गिबि हभाक्राफ्ट सिबिथाया जागायो।

(8) 2001 नि 10 डिसेम्बरव मुंदांखा फावखुं गुर अशक कुमाराआ रूसारि जायो। (9) 2007 नि 10 डिसेम्बरव क्रिस्टीना फर्नांडिज डि किर्चनेरआ आर्जेन्टीनानि गिबि आइजो हादतगिरि जायो। (10) 2016 नि 10 डिसेम्बरखालि तुकिनि इस्ताम्बुलाव मोनसे फुटबल स्टेडियामनि खाथियाव मोननै बेरफुनाय जाथायाव सा 38 सुबुंफोरनि जिउ गोमायो।

# मणिपुरनि इम्पल सोनाब थौबल जिल्लायाव गोबां हाथियार बोखांनो मोन्दों

**इम्पल, 10 डिसेम्बर:** जाकुंसार अभियानफोरनि मोनसे सेरिसआव सान्थि, इम्पल सोनाब पुलिस, सिआरपिएफ आरो पुलिस कामान्डनि जुथाइ टीमफोरा शनिबार 9 डिसेम्बरखालि मणिपुरनि हायेन जिल्लाफोराव गुबुन गुबुन जायगायाव सिग्रोमनानै हाथियारफोरनि बागसु बोखांनो हायो। मडदांगपक गामियाव



हाथियारफोर थानायनि स्त्रोद खौरांखौ बिथा खालामनानै

बिथामोनआ अभियान सालायो। जुथायै बेंदिके आरो सिग्रोमनाय

हाबाफारि मावदोंमोन। गोख्रों सिग्रोमनायाव गंसे सिएमजी राइफल, थरख्रै हेन्ड ग्रेनेड, थरख्रै चीननि ग्रेनेड, गंसे 9 मिमि पिस्टल, गंसे आखाइजों बानायनाय पिस्टल, गंभ्रै शटगान शेल, थरसे गोथां केलिबार बमा आरो माखासे जेंना गोनां मुवाफोरखौ मोनो। मोनसे गुबुन जरखा सुलुनिफ्राय खौरां मोन्नायनि उनाव सलाम पातां

# फैगौ 10 सानआव इन्डिया जुथाय दोलोनि जथुम्मा जानो हागौ

गोदान दिल्ली, 10 डिसेम्बर: इन्डिया जुथाय दोलोनि जथुम्माखौ लानानै दासिमबो जेबो मावख 'यारि महरै अक्ट फोसावाखै। नाथाय सुलुनि बादिब्ला, फैगौ 10 साननि गेजेराव बे जुथाय दोलोनि जथुम्माआ जानो हागौ। बे जथुम्माजो लोब्बा गोनां जौसिन थाखोन दैदेनगिरिफोरा बेनि फासै इसाराबो होदो। सुलुनि बादिब्ला, इन्डिया जुथाय दोलोनि जानो गोनां जथुम्मानि एजेन्डा सिट शेयारि जानो हागौ।



## I.N.D.I.A

बे जथुम्मायाव गासै दोलोआ फैगौ बिसायख 'थियाव बवे राइज्योआव गावसोरनि बेसेबां बिजाथिखौ बिसायख 'थिनि फोथाराव फसंनंगौ बेनि सायावबो सावरायनो हागौ। बेनि गेजेरजो समाजबादि पाटि आरो कंग्रेसआ गावसोरनि

गेजेराव सोमजिनाय जेनाखौबो जानगर खालामगोन। मख 'भो गोनांदि, थानाय सप्ताहआव जानो गोनां इन्डिया जुथाय दोलोनि दैदेनगिरिफोरा जथुम्माखौ फासयदोमोन। मानोना अखिलेश यादव, नितिश कुमार आरो ममता

बेनाजिजो लोगोसे माखासे दैदेनगिरिफोरा बेयाव बाहागो लानो हानाय नड होनानै इसारा होदोमोन। अदेबानि बे जथुम्माखौ बिसायख 'थि फिथाइ मोन्नाय सानाव लिंदोमोन आरो सान 3 नि सिगांल' अक्टखौ थि

खालामदोमोन। बेजो हारदरनि बयनिखुइ गोजामसिन दोलोआ गावसोरनि आंखालफोरखौ सानो आरो जेनायनि जाहोनखौ मिथिनो सम मोनाखै। दोलोनि थाखाय मोनसेल' मिजिनि सोराड तेलेंगानायाव कंग्रेसनि देरहानायमोन।

# 2022 नि हादरआव एसिडजो गाग्लोबनाय जाथायनि फारिलाइआव बेंगालुरुआ जौसिन जायगा आवग्रिदो

बेंगालुरु, 10 डिसेम्बर: नेसेनेल क्राइम रेकर्डस ब्युर' (एनसिआरबि) आ फोसावनाय मोनसे गोदान रिपटआव बुनाय बादिब्ला, 2022 आव बेंगालुरुआव आइजोफोरनि हेंथायै हादरआव बयनिखुइबो बांसिन एसिड एक्टनि केसआ सोराडव फेदो। बे समाव सिटि पुलिसआ मोन 8 केस थिसन्दो। अन्जिमानि बादिब्ला, थानाय बोसोराव एनसिआरबि डाययाव थाफानाय मोन 19 मेट्र सिटिफोरनि बेंगालुरुआ आइजोफोरनि सायाव मोन 8 एसिड गाग्लोबनाय जाथायजो फारिलाइआव जौसिनआव थादो। अन्जिमानिफ्राय मिथिनो हादोदि, आइजोफोरनि हेंथायै एसिड गाग्लोबनाय जाथायजो लोब्बा थानाय बे फारिलाइआव



National Crime Records Bureau  
Ministry of Home Affairs

दिल्लीआ नैथि मासिआव दड। जेराव 2022 आव सा 7 आइजोफोरा एसिड गाग्लोबनायजो मैहुर जानांदोमोन। बेनि उनाव आहमेदाबादआ बेबादि मोन 5 जाथायजो फारिलाइआव थायथि मासिआव जायगा आवग्रिदो। एनसिआरबि डाययाव एनालाइसिसनिफ्राय मिथिनो मोन्दोदि, थानाय बोसोराव माहारियारि राजथावनि दिल्लीआव सा 7 आइजोफोरा एसिड गाग्लोबनो नाजानायजो मैहुर जानांदोमोन। बेनि उनाव दं बेंगालुरु, जेराव थानाय बोसोराव बेबादि मोन 3 जाथाय थिसन्दो मोन्दोमोन। बेजो लोगोसेनो हाइड्राबाद आरो

आहमेदाबाद बायदि मेट्रपलिटान सिटिफोराव 2022 आव मोननै एसिड गाग्लोबनाय जाथाय थिसन्दो हादो। थानाय बोसोराव बेंगालुरुखौ सोमावग्लुनाय एसिड गाग्लोबनाय गाहाइ जाथायफोरनि मोनसेआव 24 बोसोरनि एमकम अनारसनि फरायसाया भुगिनांदोमोन, जेराव 28 एप्रिलखालि बै समाव गाग्लोबदोमोन, जे ब्ला सिखलाया गावनि खामानियाव थानो थांदोमोन। पुलिसनि बादिब्ला, दायनिगिरिआ माखासे बोसोर सिगांनिफ्रायनो बिखौ उनसंबाय थादोमोन। बियो जुलिनि प्रपसबो खालामदोमोन आरो आइजोआ जेब्ला नेवसियो अब्ला बिनि सायाव एसिड

सरो। बेनि उनाव दायनिगिरिखौ मे दानआव तिरुबन्नामलाइ आश्रमनिफ्राय हमनो हायो, जेराव बियो स्वामीनि महर लानानै थाखोमा थादोमोन। कर्णाटकनि गिबि मन्थि सिद्धारमैयानि मावख 'आ जुन, 2023 आव भुगिनांनय आइजोनि बिथानि सेके टारिएटआव कन्ट्रैक्ट बेसिसआव साखि मावनो अफार होदोमोन। बेबादिनो गुबुन मोनसे केसआ 2022 नि 10 जुनआव जादोमोन, जेराव सासे सुबुड गावनि हिन्जाव लोगोनि मोखाडाव एसिड सारनानै होदोमोन। मानोना सिखलाया बिनि जुलिनि प्रपजालखौ नेवसिगारदोमोन।

## भारतआ चीन सिमनायाव गोखोडे सेलेन्सफोरनि फिन्नाय होदो

गोदान दिल्ली, 10 डिसेम्बर: भारतआ थानाय 3 बोसोराव सा सिमनायाव जोबोद गोब्राब से लेन्सजो मोगा-मोगि जानांदो। नाथाय हादरआ बेखौ गोखोडे फिन्नाय होदो। माहारियारि रैखाथिखौ नोजेर होनानै बेयाव गोनांथि जानाय बायदि सान्थिफोर थिसनना लाखिदो। गुबुन हादतयारि मन्थि एस जयशंकरआ चीनजो लोगोसे सान्जा लाहाखयाव सोलिबाय थानाय जेनाखौ लानानै थानाय शनिवारखालि बिबुंथि होयो। बिथाडा पिक्कीनि मोनसे हाबाफारियाव माबोरै मदि सरकारआ हादतनि जौगाखानायाव फोथायजो लोगोसे मोनसेनि उनाव मोनसे थांखि लादो बेखौ फोस्मायदो। बिथाडा बुंवावदो जौ कभिड समनि गेजेरजोबो जोबोद गोखोडे फिन्नाय होदो। जौ गावनि माहारियारि रैखाथिजो जेबो रदाय खानाय नड आरो



गोनांथि जानाय बायदि थांखि लानानै सान्थिफोर थिसनगोन। भारतीय आरो चीननि सान्थिफोर सान्जा लाहाकयाव माखासे बिन्दोफोरखौ लानानै 3 बोसोरनिखुइ बांसिन समनिफ्रायनो सौग्रावनाय थासारि सोमजिदो। आथिखालाव मोननैबो बाहागोफोरा गुवारै रजखान्थियारि आरो सान्थियारि सावरायनायनि उनाव माखासे ओन्सोलफोरनिफ्राय सान्थिफोर लांफिननायखौ आबुं खालामबाय। जयशंकरआ माबोरै गाहाइ मन्थिआ गाहाइ मन्थि मदिनि दैदेननायाव भारतआ उतखारिफोरनि हेंथायै मुलुगयारि

सांग्राथि सोमजिहोनो नाजादो बेखौनो फोस्मायदो। उतखारिनि केसाव आथिखालाव रवनिबो समाजा जौनिखुइ बांसिन भुगिनाडखौ। बेराफारसे बिथाड भारतनि गेजेरजो रसियानिफ्राय गोथां थाव बायनायखौ सोलिहोबाय थानायखौ मख 'नानै बेयो हादतनि जौगाखानायाव लानाय थांखि होनना फोरायदो। इडके न दावहाखौ नोजेर होनानै बेबायदि खालामेनि थाखाय सोनाबारि हादतफोरनि नारसिनसेयावबो भारतआ रसियानिफ्राय गोथां थाव बायनायखौ सोलिहोबाय थादो।

## 1400 बोसोर गोजाम मसजिदआ इजराइल सान्थिफोरनि गाग्लोबनायाव सिलिंखार जाबाय



जेरुसालेम, 10 डिसेम्बर: इजराइल सान्थिफोरा थानाय शनिवारखालि दुलाराय गाजानाडे अखां आरो हाजो

गाग्लोबदो। इजराइलनि सान्थिफोरा आथिखालाव सहरफोरनि सिडव हाबनानै थौंजोडे नायबिजिरगासिनो

दड। लोगोसे बेयाव उरां जाहाज आरो टेंकजो गुलि गावनानै हमासनि केम्पफोरखौ सिलिंखार खालामगासिनो दड। बेनि

गेजेरजो इजराइलनि नायबिजिरनायाव गाजानि बयनिखुइ गोजामसिन अमरी मसजिदआबो गात्रियै सिलिंखार जायो। गाजा सिटिआव थानाय बे मसजिदआ 7 थि जौथायनि। बेनि ओंथिया बेयो मुलुगनि बयनिखुइ गोजामसिन मसजिदफोरनि गेजेराव मुंदाखा। सप्ताहसे दावहा दोन्थ 'नाया जोबनायनि उनाव इजराइलनि सान्थिफोरा खोला गाजायावबो हाजो नायबिजिरनायखौ जागायो। थानाय माखासे सानफोरनिफ्राय इजराइलनि सान्थिफोरा गाजानि नैथि देरसिन सहर खान इडनिभासिटाव

हाबनानै हमासनि दावहारुफोरजो मोगा-मोगि दावहा नाडो। इजराइलनि सान्थिफोरा गाजा सिटि बादिनो बे सहरावबो आबुडे कन्ट्रल खालामनो नाजादो। बेबादिनो गासै गाज पट्टिआव बे समाव इजराइलनि नायबिजिरनाया सोलिगासिनो दड। सा गाजानि शेजेआ सहरनि स्कु लनिफ्राय इजराइल सान्थिफोरनि सायाव गाग्लोबनायनि उनाव सान्थिफोरा बेखौ बेंखनानै नायबिजिरो आरो बेयाव थानाय हमासनि दावहारुफोरखौ गावथारो। इजराइल सान्थिफोरा बे स्कुलआव गोबां बिबांनि हाथियार आरो गुलि-बारुद मोन्दो। खान इडनिसिन अल-नासेर आरो खाथिनि अल-अक्सा

## एनजिटिआ बारनि गुणआव साबस्त्रांहेनो थाखाय मोन्नाय रांखाथिखौ राइज्योनो बाहायनो बिथोन होदो

गोदान दिल्ली, 10 डिसेम्बर: एनजिटिआ राइज्योफोरखौ बारनि गुणखौ साबस्त्रांहेनो थाखाय नाजाबावनो थिन्दो। अदेबानि एनजिटिआ राइज्योफोरखौ एनसिएपि आरो 15थि रांखाथि आयगनि फारसेनिफ्राय मोन्नाय रांखौ बाहायनोबो बिथोन होदो। अटरिडिआ थानाय 5 डिसेम्बराव बिथोन फोरमायनानै सोमोन्दो गोनां राइज्योफोरनो 8 सप्ताहनि गेजेराव नायबिजिरनाय रिपट थिसन्दो बिथोन होयो। एनजिटिआ फाफादिगिरि जास्टिस प्रकाश श्रीवास्तभनि पीठआ बिहार (पाटना, पुर्णिया आरो राजगीर), उत्तर प्रदेश (गाजियाबाद, नएडा आरो प्रेतर नएडा), पान्जाब (बठिन्डा), हारियाणा (फरिदाबाद, मानेसर, रहतक आरो भिवाडी) रजस्थान (टेंक) आरो मेघालय (बर्नीहाट) याव 22



नभेम्बरनिफ्राय 4 डिसेम्बरसिम गात्रि जानाय बारनि गुणखौ मख 'दो। जास्टिस प्रकाश श्रीवास्तभ, बिजिरगिरि सोद्रोमा सेन्थिल वेलनि पीठआ बुंदो, माखासे शहरफोरव एक्कुआइआ गात्रिथाइ, माखासे गुबुन शहरफोरव गेजेर थाखोनि आरो जोबोद गात्रिनि गेजेराव दड'। दिल्लीयाव थानाय 24 नभेम्बराव एक्कुआइआ जोबोद गात्रिथासोन

आरो बांसिन शानफोरव बेयो जोबोद गात्रियाव थायो। आथिखालाव पान्जाब दाखोर-दाला सावनाय सिजनआ जोबना यनि उनाव शहरफोरव बारनि गुणयाव साबस्त्रांनय फैबाय। थानाय दानाव एनजिटिआ सिपिसिबिनि अनलाइन अख्रामा गुणानि बुलेटिनखौ नायबिजिरदोमोन आरो जाय राइज्योफोरव बारनि गुणा

दावख्यानानै गात्रि, जोबोद गात्रि आरो जोबोद गात्रिथाराव सौहेदोमोन। राइज्यो सरकारफोरनि गेजेरजो थिसननाय रिपटफोरखौ नायबिजिरनानै थानाय 5 डिसेम्बराव जानाय हियारिआव बुंदोमोनिदि, बांसिन राइज्योफोरनो माहारियारि गोगो बारनि हाबाफारि आरो 15 थि रांखाथि हाबाफारिनि गेजेरजो मोन्नाय रांखौ बाहायखै।

## मणिपुरनि हर्नबिल फोर्बोआ 10 डिसेम्बरआव जोबना थांवाय

डिमापुर, 10 डिसेम्बर: भारत सरकारनि हारिमुयारि बिफाननि फारसेनिफ्राय सा-सान्जा ओन्सोलनि हारिमुयारि मिरु डिमापुर-कहिमानि किसामा हेरिटेस विलेजयाव मोनसे हारिमुयारि हाबाफारि खुडो। बेयाव 23 थि हर्नबिल फोर्बो 2023 नि 9थि सानाव जरखा हाबाफारि जायो। नागालेन्ड सरकारनि दावबायारि बिफाननि गेजेरजो खुनाय बे फोर्बोआ 1 डिसेम्बरनिफ्राय 10 डिसेम्बरसिम सोलियो। बे फोर्बोनि थांखिया नागालेन्डनि नेम-खांथि आरो जौगाखां हारिमुखौ दिन्थिनाय। बेयो गासै नागा ट्राइबलफोरनि मोनसे जुथाइ फोर्बो एनइजेडिसिआ डिमापुरनि गेजेरजो लानाय



थांखि, बेयाव सा-सान्जानि राइज्योफोरनि मोन 8 गुबुन गुबुन हारियारि ट्राइबल फोलेरफोरनि सा 120 मिजरामनि महरगिरिफोराबो महरगिरिफोरा बाहागो लादोमोन। भारतनि गुबुन-गुबुन सा-सान्जा राइज्योफोरनि महरगिरिफोरा

मोनसे हारिनुयारि हाबाफारियाव गावसोरनि रंगथिफोरखौ दिन्थियो। बेयाव फोलेरफोरनि सा 120 मिजरामनि महरगिरिफोराबो गावसोरनि हारिमुखौ दिन्थिदो। बे हाबाफारियाव सान ओंखारजेनग्रा जायगा अरुणाचल प्रदेशनि न्योशी ट्राइबल

फोलेरनि रिखमपाड मोसानायाबो दंफायोमोन। बेयाव नागालेन्डनि लथा हारिनि नजन्ता मोसानायखौबो दिन्थियो। बेनि अनगायैबो बेयाव सिक्किम, मेघालय, आसामनि बिहु मोसानायखौबो दिन्थिनाय नुनो मोन्दो।

## भारतीय सान्थि हान्जाया बांसिनै हाइ टेक जासिगोन



गोदान दिल्ली, 10 डिसेम्बर: भारतीय सान्थि हान्जाया आर्टिफिसिएल इन्टेलिजेन्सनि गेजेरजो सामलायनाय गंसे स्मार्ट स्कपखौ आन्जाद नायदो, जाय 300 मिटारसिमाव थानाय

सुबुफोरखौ हमदांनो हायो, जाय सिमना आरो खाथिनि दावहा अभियानफोरखौ गिदि बिबाडव बांहेनो हायो। लेफ्टेनेन्ट कर्नेल निपुण सिर हिआ फोरमायदोदि, स्मार्ट स्कपआ आथिखालाव गावनि प्रट'टाइप स्टेजआव दड; नाथाय बेनि मिनिएचर भाजंनखौबो बानायनो हागौ। हादरआवनो दिहुनजानाय स्कपखौ जायथि-जाया फिसा हाथियारआव फीट खालामनो हायो आरो बेखौ मोनसे स्मार्ट हाथियारआव सोलायनो हायो। लेफ्टेनेन्ट कर्नेल सिर हिआ बुंदो, बेयो मोनसे एआइनि गोहो थानाय स्मार्ट स्कप जाय 300 मिटारसिम आवगायनानै हिडमेन टार्गेटखौ मिथिनो हायो। एआइआ एल्परिडिम आरो सेन्सरि डायटखौ बाहायनानै शुटरनो माब्ला गुलि गावनांगो बेखौ फोरमायनो हायो। 100-300 मिटारसिम आन्जाद नायनायाव बेनि एक्ुरेसिआ 80-90 जौखोन्दोमोन।